

四庫全書

集部

欽定四庫全書

集部

東坡詩集註卷一至

詳校官庶吉士臣謝恭銘

檢討臣何思鈞覆勘

總校官進士臣朱鈐

校對官編修臣許兆椿

謄錄監生臣范光謙

欽定四庫全書

集部三

東坡詩集註

別集類二 宋

提要

臣等謹案東坡詩集註三十二卷舊本題宋王十朋撰十朋有會稽三賦已著錄是集前有趙夔序稱分五十類此本實止二十九類蓋有所合併十朋序題百家註此本所引數亦不足則猶杜詩稱千家註韓柳文稱五百

家註也其分類頗多顛舛如芙蓉城詩入古
蹟虎兒詩入詠史之類不可彈數不但以畫
魚歌入書畫為查慎行東坡詩補註所譏其
註為邵長蘅所掎擊者凡三十八條至作正
謠一卷冠所校施註之首考十朋梅溪前集
載序八篇後集載序三篇獨無此序又有讀
蘇文三則亦無一字及蘇詩梅溪集為其子
聞詩聞禮所編十朋著述搜輯無遺不應獨

漏此序又趙夔序稱崇寧間僕年志於學逮
今三十年一字一句推究來歷必欲見其用
事之處頃者赴調京師繼復守官累與小坡
叔黨游從至熟扣其所未知者叔黨亦能為
僕言之云云考宋史載軾如杭州蘇過年十
九其時在元祐五六年間又稱過歿時年五
十二則當在宣和五六年間若從崇寧元年
下推三十年已為紹興元年過之歿七八年

矣夔安能見過而問之則併夔序亦出依託
核書中體例與杜詩千家註相同殆必一時
書肆所為借十朋之名以行耳然長蘅摘其
體例三失而云中間援引詳明展卷瞭如者
僅僅及半則疎陋者不過十之五未可全廢
其於施註所闕十二卷亦云參酌王註徵引
羣書以補之則未嘗不於此註取材大抵初
始者難工繼事者易密邵註正王註之謬查

註又摘邵註之誤今觀查註亦舛漏尚多足
知考證之學不可窮盡難執一家以廢其餘
錄存是書亦足資讀蘇詩者之旁參也乾隆
四十六年十二月恭校上

總纂官

臣紀昀

臣陸錫熊

臣孫士毅

臣費墀

總校官

臣陸

費

墀

費

東坡詩集註序

昔秦延君註堯典二字至十餘萬言而君子譏其繁
子襄註周易一書纔二三萬言而君子恨其畧
訓註之學古今所難自非集衆人之長殆未易得其全體
況東坡先生之英才絕識卓冠一世平生斟酌經傳貫穿
史下至小說雜記佛經道書古詩方言莫不畢究故雖
天地之造化古今之興替風俗之消長與夫山川草木
禽獸鱗介昆蟲之屬亦皆洞其機而貫其妙積而為胸

中之文不啻如長江大河汪洋闊肆變化萬狀則凡波
瀾於一吟一詠之間者詎可以一二人之學而窺其涯
涘哉予舊得公詩八註十註而事之載者十未能五故
常有窺豹之嘆近於暇日搜諸家之釋裒而一之刻繁
剔冗所存者幾百人庶幾於公之詩有光雖然自八而
十自十而百固非畧矣而亦未敢以繁言蓋以一人而
肩烏獲之任則折筋絕體之不暇一旦而均之百人雖
未能舂容乎通衢張王乎大都而北燕南越亦不難到

此則百註之意也若夫必待讀遍天下書然後答盡韓
公策則又望諸後人焉

昔杜預註春秋左傳顏籀註班固漢書時人謂征南秘書為丘明孟堅忠臣又李善於梁宋之間開文選學註六十卷流傳於世皆僕所喜而慕之者此註東坡詩集所以作也東坡先生讀書數十萬卷學術文章之妙若太山北斗百世尊仰未易可窺測藩籬况堂奧乎然僕自幼歲誦其詩文手不暫釋其初如涉大海浩無津涯孰辨淄澠涇渭而魚龍異狀莫識其名既窮山海變怪然後了然無有疑者崇寧年間僕年志於學逮今三十

年一句一字推究來歷必欲見其用事之處經史子傳
僻書小說圖經碑刻古今詩集本朝故事無所不覽又
於道釋二藏經文亦嘗遍觀抄節及詢訪耆舊老成間
其一時見聞之事有得既已多矣頃者赴調京師繼復
守官累與小坡叔黨遊從至熟叩其所未知者叔黨亦
能為僕言之僕既慕先生甚切精誠感通一日夢先生
野服乘驢若世之所畫李太白者憇然見訪僕方坐一
室中書史環列起而迎見先生顧僕喜曰天下之樂莫

大於此了無他語又一日夢與先生對談因問水仙王
事即答以茫昧之語殊不可曉不知何意也僕於此詩
分五十門總括殆盡凡偶用古人兩句用古人一句用
古人六字五字四字三字二字用古人上下句中各四
字三字一字相對止用古人意不用字所用古人字不
用古人意能造古人意能造古人不到妙處引一時事
一句中用兩故事疑不用事而是用事疑是用事而不
用事使道經僻事釋經僻事小說僻事碑刻中事州縣

圖經事錯使故事使古人作用字成一家句法全類古人詩句用事有所不盡引用一時小詩不用故事而句法高勝句法明白而用意深遠用字或有未穩無一字無來歷點化古詩拙言間用本朝名人詩句用古人詞中佳句改古人句中借用故事有偏受之故事有參差之語言詩中自有奇對自撰古人名字用古謠言用經史註中隱事間俗語俚諺詩意物理此其大略也三十年中殫精竭慮僕之心力盡於此書今乃編寫刊行願

與學者共之若乃事有遺誤當俟博雅君子補而鐫之
庶伴先生之詩文與左傳漢書文選並傳無窮而僕於
杜預顏籀李善三子亦庶幾焉雖然尚有可以言者先
生之用事不可謂無心先生之用古人詩句未必皆有
意耳蓋胸中之書汪洋浩博下筆之際不知為我語耶
他人之語也觀者以意達之可也

欽定四庫全書

東坡詩集註卷一

宋 王十朋 撰

紀行

壬寅二月有詔令郡吏分往屬縣減決囚禁自十
三日受命出府至寶雞號郿蓋屋四縣既畢事因
朝謁太平宮而宿於南谿谿堂遂並南山而西至
樓觀大秦寺延生觀仙遊潭十九日乃歸作詩五

百言以記凡所經歷者寄子由

趙次公士寅嘉祐七年也鳳翔有十

縣曰天興曰岐山曰扶風曰藍屋曰郿曰寶雞曰虢曰麟遊曰普潤曰好時故有詔減次囚禁

則令郡吏分往屬縣而先生所得則寶雞虢郿藍屋四縣也王十朋按年譜嘉祐七年壬寅先

生年二十七在鳳翔任二月奉詔次囚故有此詩

遠人懼水旱王命釋俘囚分縣傳明詔循山得勝遊蕭

條初出郭曠蕩實消憂

次公漢書有曠蕩之恩

薄暮來孤鎮登臨

憶武侯

程顥鎮即武成鎮也俗謂之石鼻寨孔明所築蓋其鎮在寶雞東相傳孔明嘗圍却於陳倉

築此城以拒魏兵

崢嶸依絕壁

次公選有南北崢嶸刻削蒼茫崢嶸又詩云晨策尋絕壁

瞰奔流

次公倉茫兩字古人用之皆是平聲而先生所用乃是仄聲蒼字廣韻音藏朗而茫字上聲之

莽去聲之濟皆不收不知先生用之所出以埃博聞

半夜人哮急橫空火氣浮天

遙殊不辨風急已難收曉入陳倉縣

續陳倉秦漢舊縣唐改為寶雞次公

曰前漢地理地係之石扶風即鳳翔府矣地理載三秦記云陳倉以山得名山有石雞與山雞不別趙高燒山

山雞飛去而石雞不去晨鳴山頭聞三十里蓋玉雞也自唐至德二載更名寶雞

猶餘賣酒樓

煙煤已狼籍吏卒尚呀咻

公自注十三日宿武成鎮即俗所謂石鼻寨也云孔明所

築是夜二鼓寶雞大作烟去三十里而見于武成

雞嶺雲霞古龍宮殿宇幽

縣有

雞爪峰龍宮寺云陳師道雞爪峰在寶雞之東秦文公復若石二于陳倉北阪城祠之其神從東方來光輝若

雄雌雄集于祠城其聲殷殷野雉皆鳴南山連大散李

秦因立寶雞祠雞爪峰蓋以此得名

厚

縣南乃大散歸客走吾州次公指言蜀中也走音奏漢

關秦蜀通途書文帝指示慎夫人新豐道

曰此走郿欲往安能遂將還為少留回趨西虢道續西

郿道也

虢

叔所封平王東遷虢却渡小河洲聞道磻溪石猶存渭

徒上陽故謂之南虢

虢

水頭蒼崖雖有跡大釣本無鉤十四日自寶雞行至虢

東

東

南十八里猶有投竿東去過郿塢孤城象漢劉至郿縣

曉餌兩膝所著之處

至郿縣

有董卓城象長安俗謂之小長誰言董公健續按卓傳

安續董卓築塢於郿號萬歲塢

卓議廢立

素紹勃然曰天下竟復伍孚讎李厚趙騎校尉伍孚忿

健者何必董公

卓兄毒懷佩刀刺之不

中左右執事乎大言曰恨不得磔裂姦賊於都市

白刃俄生肘

師道王允與呂布謀誅卓令李

肅以戰刺之袁甲不入卓驚呼布所在布曰有詔遂殺卓黃魯直諸子真詩話補遺曰杜詩當知肘腕事自及

泉猊侯肘腕是趙滅智伯事

黃金謾似丘

二師道卓郿塢中珍藏有金三萬斤銀八九萬斤錦

繡積如丘山

平生聞太白

續太白山在武功縣諺云武功太白去天三百言其高也乃往郿縣

之道洪駒父三十六洞天記第十一太白山洞周回五百里鬼谷子於此授蘇秦佐國之術祠廟皆在長安

一見駐行騶鼓角誰能試風雷果致不巖崖已奇絕水

雪更瑯鏤

次公選賦云木不凋鏤

春早憂無麥山靈喜有湫蛟龍

懶方睡鉗罐小容偷

是日晚自郿起至青秋鎮宿道過太白山相傳云軍行鳴鼓角過山

下輒數雷而山上有漱甚靈以今歲早方議取之次公
偷字韻蓋方言取龍水謂之偷秋也洪龜父莊列禦寇
篇河上有子得珠其父曰珠在驪龍頷下子能得珠者
必遭其睡也饒德操北夢瑣言江南沿江多蘆荻冬月
縱火焚多二曲林泉勝次公此下皆是述藍屋縣事也
燒起睡龍二曲林泉勝次公此下皆是述藍屋縣事也

下李善注云藍屋山名案字記長安志皆
云山曲曰藍水曲曰屋故今云二曲也

三川氣象倅

續古謂伊洛河為三川唐以劍
南東西及山南西道為三川

近山麴麥早臨水竹簟

脩

十六日至藍屋以近山地美氣便
殊早縣有官竹園十數里不絕

先帝膺符命

此次公

一段專言明聖將軍事先帝謂太
宗皇帝也揚雄傳爰清淨作符命
行宮畫冕旒次天子

之冕藻十
有二旒

侍臣簪武弁女樂抱瑩篴

次公瑩篴之制二
十三絃李賀瑩篴

引云二十三絲動紫皇釋名曰笙篴師延所作趙堯卿
史記今上祠太一后土用樂作笙篴漢書禱祠太一后
土作坎侯應劭注使樂工侯服作之調其聲坎應節
因以其姓號名作坎侯蘇林注作笙篴續漢紀靈帝好
胡舞作笙篴數說不同要之皆非推聲也陳無祕殿開
已許亨周云笙篴狀如張箕探手摘絃出聲

金鎖神人控玉蚪

堯卿司馬相如賦曰乘鏤象六玉蚪

黑衣橫巨劒被髮

凜雙眸

十七日寒食自盤屋東南行二十餘里朝謁太平宮二聖御容此宮乃太宗皇帝時有神降於

道士張守真以告受命之符所為立也神封翊聖將軍
有殿徐師川翊聖保德真君傳云乾德中太宗皇帝在
晉邸頗聞靈應遣近侍致醮太祖皇帝設醮於建隆觀
真君降言曰吾乃高天大聖玉帝輔臣降衛宋朝社稷
未定遐長基業凡百餘言僧祖可劉焘曰邂逅逢佳士
翊聖像皆被髮跣足仗劍擾龍相承舊矣邂逅逢佳士

相將弄綵舟投篙披綠荇濯足亂清溝晚宿南谿上森

如水國秋遠湖裁翠密終夜響颼颼

是日與監官張果之汎舟南谿遂留

宿于谿堂堯卿南谿之上遠湖松竹翠密成林廣雅曰小風曰颼涼風曰颼

冒曉窮幽邃操

戈畏炳彪

十八日循終南而西縣尉以甲卒見送或云近官竹園往往有虎次公炳彪以言虎則楊

子云大人虎變其文炳也說文云虎文曰彪

尹生猶有宅

十朋本篇公自註云崇聖觀謂樓觀

乃尹喜舊宅也老氏舊傳

厚尹喜為函谷關令尹使氣知真

車出關喜曰子將隱矣問道遺蹤在登仙往事悠
風為我著書乃授道德經

歸汗漫

續列子馭風而行淮南子曰有若士者謂世盧敖曰子處矣吾與汗漫期于九垓之上閱世

似蜉蝣

厚郭璞詩借問蜉蝣輩寧知龜鶴年

羽客知人意瑤琴繫馬鞭不

辭山寺遠來作鹿鳴

吻堯卿舊註云有太平宮道士趙宗有抱琴見送至寺作鹿鳴之

引乃帝子傳聞李

次公帝子即先生本註唐玉真公主也堯卿唐肅宗之女字持盈始封長

昌縣主俄進號上清元都大洞三景師天寶三年上言曰妾高宗之孫肅宗之女陛下之女弟於天下不為賤

何必名係主號資湯沐然後為貴請入數百家之產延十年之命帝許之與金仙公主皆為道士林子仁青城

山記玉真公主肅宗之姑也葉室丈人觀玉真金仙二宮主真容見在

品堂髣髴像

維次公女仙

列傳載西王母姓維其所居有玄碧之堂師川周靈王太子晉乘白鶴於維氏山頭舉子謝時人而去其地即

今河南緱氏縣會稽緱嶺也

輕風幃幔卷落日髣髴愁

次公此以狀玉真遺跡之

景而追入谷音浴驚蒙密登坡費挽樓次公選詩有遵者

樓亦亂峰巉似梨洪玉父唐王建溫門山詩云一水澹

如油堯卿白樂天詩噴時中使何年到金龍自古投次

此言朝廷遣內官役金龍於潭以祈禱者也自唐以來

謂之中使杜詩云中使日繼夜韓子蒼東齋記事道家

有金龍玉簡學士院撰文具一歲中齋醮役千重橫翠

于名山洞府金龍以洞制玉簡以階石制

石百丈見游儻次公儻者浮陽之魚音綃莊子與惠子

沈約詩云百丈見游鱗最愛泉鳴洞初嘗雪入喉滿餅雖可致洗

耳數無由是日游崇聖觀俗所謂樓觀也乃尹喜舊宅

山脚有授經臺尚在遂與張果之同至大秦

寺早食而別有太平宮道士趙宗有抱琴見送至寺作
鹿鳴之引乃去又西至延生觀觀後上小山有唐玉真
公主脩道之遺跡下山而西行十數里南入黑水谷谷
中有潭名仙游潭上有寺三倚峻峰面清溪樹林深翠
怪石不可勝數潭水以繩繩石數百尺不得其底以瓦
礫投之翔揚徐下食頃乃其見其清澈如此遂宿于中
興寺寺中有玉女洞洞中有飛泉甚甘
明日以泉一甌歸至郡又明日乃至府
張祐新水記言峽州扇子峽石中突而洩水獨清冷石
狀如龜頭俗謂蝦蟆石其水煎茶為第一次公昔先生
與子由自眉州鄉里舟行趨京師過峽州蝦蟆塘從舟
中望之頗領口吻甚類蝦蟆也尋泉源入洞口石氣清
寒流泉出石方冬脫鹿裘
骨若虬龍吼
鹿裘不完晏子布衣鹿裘以
朝公曰夫子之家若此
其貧也奚衣之惡也
山川良甚似水石亦堪儔惟有

泉傍飲無人自獻酬

昔與子由游蟆培時方冬洞中溫溫如二三月

太白山下早行至橫渠鎮書崇壽院壁

馬上續殘夢不知朝日昇
亂山橫翠幃落月澹孤燈
奔走煩郵吏安閒愧老僧
再游應眷眷聊亦記吾曾

二十六日五更起行至磻溪未明

任居實嘉祐七年任鳳翔作

夜入磻溪如入峽照山炬火落驚猿
山頭孤月耿猶在

石上寒波曉更喧至人舊隱白雲合

次公至人舊隱神以言太公也

物已化遺蹤

次公神物言龍磻溪有龍於此地禱雨也

安得夢隨霹靂駕

續百陽雜組李廓在北都介休百姓送解牒上晉初字
下夜有人叩門云介休王暫借霹靂車至介休收麥良
久數人共持一物如幢上綴旗幡凡十八葉有馬上傾
光如電以授之次日介休大雷雨損麥千餘頃馬上傾
倒天瓢翻次公意用李靖為客嘗夜投宿一巨宅有老
實告靖曰老婦龍也二子俱出今天命行雨欲煩一行
即以一竿使跨之以一瓢與之曰跨此所至以楊枝灑
瓢水則雨也此詩意主禱雨故用此堯卿黃帝陰符經
後序云少室山李筌入秦至驪山逢老母因袖中出一
瓢令筌取水筌即攜往澗中盛水其瓢忽重百餘斤
力不能舉便沈於泉遂覓不得所謂天瓢殆此類也

是日自礪溪往陽平憩於麻田青峰寺之下院翠

麓亭

不到峰前寺空來渭上村此亭聊可喜脩徑豈辭捫谷
映朱欄秀山含古木尊路窮驚石斷林缺見河奔馬困
嘶青草僧留薦晚飧我來秋日午早久石牀溫安得雲

如蓋

師尹三水小牘唐皇甫收撰云安定郡有峴陽峰
峰上有池若雨則雲起池中若車蓋然故里諺曰

峴山張蓋
雨霧霈

能令雨瀉盆

續杜詩白帝城頭雲若
屯白帝城下雨翻盆

共看山

下稻涼葉晚翻翻

二十七日自陽平至斜谷宿於南山中蟠龍寺

橫槎晚渡碧澗口

次公謝靈運詩
銅陵映碧澗

騎馬夜入南山谷

音浴

谷中暗水響瀧瀧嶺上疎星明煜煜寺藏嵒底千萬仞

路轉山腰三百曲風生饑虎嘯空林月黑驚麕竄脩竹

入門突兀見深殿

次公杜甫宿贊上人房詩夜深殿突兀風動金琅璫

照佛青瑩

有殘燭媿無酒食待游人旋斫杉松煮溪荻板閣獨眠

驚旅枕木魚曉動隨僧粥起觀萬瓦鬱參差日亂千巖

散紅綠門前商賈負椒苴山後咫尺連巴蜀何時歸耕

江上田一夜心逐南飛鵠

是日至下馬磧憇於北山僧舍有閣曰懷賢南直

斜谷西臨五丈原諸葛孔明所從出師也

南望斜谷口三山如犬牙西觀五丈原鬱屈如長蛇

公次

按長安志引水經注曰斜水北歷斜谷過五丈原亦謂之武功水又曰武功蓋在渭水南郿縣北是今先生禱

雨於郿縣之磻溪故所經由望見郿縣之五丈原李商老唐李筌曰營壘之法據山憑岡如蟠龍走蛇有

懷諸葛公萬騎出漢巴

續按蜀志建興十二年諸葛亮悉大衆由斜谷出以流馬運據

武功五丈原與司馬仲達對峙吏士寂如水蕭蕭聞馬

槌公才與曹丕豈止十倍加厚諸葛亮傳先主病篤召

能安國家顧瞻三輔間季希聲三輔黃圖曰三輔治所定大事京兆在故城內尚冠里馮翊在

故城內太上皇廟西南扶風在夕陽街北三輔者謂主
爵中尉及左右內史漢武帝改曰京兆尹左馮翊右扶
風共治安城中是為三輔後漢光武勢若風卷沙一
之後扶風出治槐里馮翊出治高陵

朝長星墜

續諸葛亮傳注載晉陽秋曰有星亦而芒竟
角自東北西南流投于亮營俄而亮卒

使蜀婦髻

厚記曰婦人髻而平也自敗于狐貍始也蓋
魯賊紇敗于狐貍國人逐喪者皆髻次公言

緣亮之死將遂敗亡而蜀士
卒之妻服其夫之喪而髻

山僧豈知此一室老煙霞

往事逐雲散故山依渭斜

次公按長安志引水經曰渭
水經行武功縣北則渭在此

矣客來空弔古清淚落悲笳

往富陽新城李節推先行三日留風水洞見待

按富陽縣圖經云縣管十鄉前地理志秦分三十六郡富春屬會稽漢哀帝封河間孝王之子元為富春侯晉武帝太元中避簡文帝太后諱改曰富陽

春山礫礫鳴春禽此間不可無我吟路長漫漫傍江浦

此間不可無君語金鯽池邊不見君

夏倪按先生詩話云舊讀蘇子美六

和塔詩松橋待金鯽竟日獨遲留初不喻此語及俸錢

塘乃知寺後池中有此魚如金色也昨日復游池上投餅餌乃畧出不食復入則此魚自珍貴蓋久矣晁冲之

按圖經開化寺開寶三年建僧智曇即此建六和塔金魚池在寺後山澗追君直過定山村張孝祥按杭州圖

水底有金鯽魚治之西南四十七里楊符太平寨路人皆言君未遠騎

宇記云定山突出浙江數百丈

馬少年清且婉風巖水穴舊聞名只隔山溪夜不行溪
橋曉溜浮梅萼知君繫馬巖花落出城三日尚逶遲妻
孥怪罵歸何時世上小兒誇疾走如君相待今安有公次
先生詩案云熙寧七年二月二十七日在杭州游風水
洞留題詩言世上小兒誇疾走意在譏諷世人多務急
進不顧大體也

新城道中二首

王立之按新城縣圖經管十二鄉
吳文帝黃武五年置東安郡新城

屬馬唐高宗永亨元年分富春西境置新城號
上縣皇朝仍之距杭州之西南一百三十三里

東風知我欲山行吹斷簷間積雨聲嶺上晴雲披絮帽

厚退之詩晴雲如擘絮潘仲達周勃傳勃下廷尉太后以冒絮提文帝晉灼曰已蜀異志謂頭上巾為冒絮

樹頭初日掛銅鉦

厚張平子賦右素威以司鉦次公銅鉦今所謂鐸也先生日喻云生而眇

者不識日間之或告之曰日之狀如銅鉦野桃含笑竹籬短溪柳自搖沙水

清西崦人家應最樂煮葵燒筍餉春耕

身世悠悠我此行溪邊委轡聽溪聲散材畏見搜林斧
疲馬思聞卷旆鉦細雨足時茶戶喜亂山深處長官清
人間岐路知多少試向桑田問耦耕

過淮

居實按水經注及山海經云淮水由南陽平氏縣桐柏山東過江夏平春縣北又東過新

息縣南期思縣北至
原鹿縣南與汝水合

朝離新息縣初亂一水碧暮宿淮南村已渡千山赤磨

鰐號古戍霧雨暗破驛回頭梁楚郊永與中原隔黃州

在何許想像雲夢澤

厚雲夢澤在
安州安陸縣

吾生如寄耳初不擇

所適但有魚與稻生理已自畢獨喜小兒子少小事安

佚相從艱難中肝肺如鐵石

何人表皮日休桃花賦序
云宋廣平正資勁質疑其

鐵腸石心不
解吐婉辭

便應與晤語何止寄哀疾

時家在子由處
獨與兒邁南來

別黃州

胡仔先生以元豐三年二月至黃居黃
五年至是量移汝州蓋元豐七年八月

病瘡老馬不任鞍

次公杜詩日暮不從鳥啄瘡

猶向君王得敝幃

居實

敝幃不奔為埋馬也次公曲禮乃是惟字在之字韻今微字韻中幃字注云單帳也今豈用單幃之義乎桑

下豈無三宿戀

厚後漢裴楷言浮屠不三宿桑下不欲久生愛戀精之至矣

尊前聊

與一身歸長腰尚載撐腸米

次公楚人云長腰梗米縮頭鰕魚言美味也

閣

領先裁蓋癭衣

林子敬韻語陽秋云汝人多苦癭故歐陽公汝癭詩云偃婦垂窻蓋嬌嬰食卵

叔無由辨肩頸有類龜縮戲梅聖俞詩云女慚高掩襟男大濶裁領投老江湖終不失

王羲之言王述曰來時莫遣故人非
投老可得僕射

過江夜行武昌山聞黃州鼓角

春風弄水月銜山幽人夜渡吳王峴

居賢吳王峴在武昌西州九曲亭下

汪信民志林云孫仲謀泛江自樊口鑿山通道歸武昌今猶謂之吳王峴

黃州鼓角亦多情

送我南來不辭遠江南又聞出塞曲

次公晉史劉琨傳曾避亂塢壁賈胡

百數欲害之琨無懼色援茹而吹之為出塞入塞之聲以動其游客之思於是羣胡皆垂泣而去

半雜

江聲作悲健誰言萬方聲一槩

續杜詩鼓角緣邊郡川原欲夜時萬方聲一槩

吾道竟何之

鼉憤龍愁為余變我記江邊枯柳樹未死相逢

真識面他年一葉沂江來

次公退之詩共泛清湘一葉舟還吹此曲相

迎餞

自興國往筠宿石田驛南二十五里野人舍

溪上青山三百疊快馬輕衫來一抹倚山脩竹有人家
橫道清泉知我渴芒鞋竹杖自輕軟蒲薦松牀亦香滑
夜深風露滿中庭惟見孤螢自開闔

將至筠先寄遲迺遠三猶子

居實元豐七年甲子至筠作

露宿風飧六百里

次公風俗通古人草居露宿杜詩風飧江柳下

明朝飲馬南

江水未見豐盈犀角兒

續鄭語史伯言幽王惡犀角豐盈而近頑童窮固

先逢

玉雪王郎子

時道逢王郎於建昌方北行也厚太平廣記王仙客幼託其舅家舅女曰無雙皆幼

稱相狎舅母常戲呼仙客為王郎子次公對牀欲作連
韓退之撰馬繼祖墓誌云肌肉玉雪可念

夜語

次公公懷遠驛讀韋蘇州詩云那知風雨夜復此對牀眠

念汝還須戴星起夜

來夢見小於菟

遠小名虎兒居實左傳是人謂虎於菟

猶是髣髴垂兩耳

次公詩云髣髴兩髦

憶過濟南春未動三子出迎殘雪裏我時移

守古河東酒肉淋漓渾舍喜而今憔悴一羸馬逆旅檐

夫相汝爾

次公孔融稱衡為爾汝交老杜醉時歌云忘形到爾汝

出城見我定驚

嗟身健窮愁不須恥我為乃翁留十日掣電一歡何足

恃惟當火急作新詩一醉兩翁勝酒美

正月一日雪中過淮謁客回作二首

十里清淮上長堤轉雪龍水崖落屐齒

次公屐齒以狀水崖上之窠謝

靈運著屐看山上山則去前齒下山則去後齒

風葉亂衰茸

次公左傳狐裘萬蒙茸一國三公萬

頃穿銀海

次公銀海以狀水也先生雪詩云光搖銀海眩生花乃用道書眼為銀海耳

千尋

渡玉峰從來脩月手

續西陽雜俎云鄭仁本與其中表游山迷路見一人枕一樓而坐因

問之云君知月七寶合成乎常有八萬三千戶脩之我其一也因開樓示之有斧斤數事玉屑飯兩東分遺鄭

曰食此可無疾

合在廣寒宮

厚十洲記冬至月伏廣寒之宮養魄于廣寒之地

攢眉有底恨得句不妨清霽霧開寒谷饑鷗舞雪城橋

聲春市散塔影暮淮平

次公塔影指僧伽塔也

不用殘燈燭船窓

夜自明

淮上早發

曹夢良洞天福地記淮濱源出南陽桐柏山在唐州桐柏縣龍庭

澹月傾雲曉角哀小風吹水碧鱗開此生定向江湖老
默數淮中十往來

行宿泗間見徐州張天驥次舊韻

三年三躡過淮舟款段還逢馬少游

續後漢馬援弟少游嘗謂曰乘下澤

車騎款段馬使鄉里稱善人足矣

無事不妨長好飲

厚史記陳軫謂犀首曰公何好飲也

曰無事也

著書自要見窮愁

續史記虞卿傳虞卿非窮愁亦不能著書以自見於世云孤

松早偃元非病

居實酉陽雜俎世傳松千歲方傾平偃蓋然有數年輒偃但於根下遇石則偃

耳又劉禹錫偃松詩引云侍中後閣前有小松不待年而偃丁鎮叔遜齋閒覽云蘇伯才云凡欲偃松不難裁

時當去松中大根唯留四傍須根則無不偃

倦鳥雖還豈是休

宋援淵明歸去來詞鳥倦

飛而

更欲河邊幾來往祇今霜雪已蒙頭

臨城道中作

并序

予初赴中山連日風埃未嘗了了見太行也今將適嶺表頗以是為恨過臨城內丘天氣忽清徹西望太

行草木可數岡巒北走崖谷秀傑忽悟歎曰吾南遷

其速返乎退之衡山之祥也書以付邁使志之

張器先按

年譜紹聖元年先生年五十九知定州就任降知英州未到任再貶惠州安置

逐客何曾著眼看太行千里送征鞍未應愚谷能留柳

續柳子厚謫居永州名愚溪曰愚溪谷曰愚谷可獨衡山解識韓

援退之謁衡岳廟詩我來

正逢秋雨節陰氣晦昧無清風潛心默禱若有應豈非正直能感通頃吏靜掃衆峰出仰見突兀聳青空

過湯陰市得豌豆大麥粥示三兒子一首

朔野方赤地

張安國吳興雜錄載謗云秦雨甲子地赤千里

河壩但黃塵秋霖

暗豆莢夏早臞麥人

厚本草蕎麥取人作飯食之下氣蓋麥之心曰人

逆旅唱

晨粥行庖得時珍青斑照七筋脆響鳴牙齦玉食謝故

吏

次公前漢陳咸侍咸奢侈玉食

風飧便逐臣

厚遜鮑明遠詩風飧委松宿杜詩風飧魚露宿

漂零竟何適浩蕩寄此身爭歡加飲食

次公古詩上言加飧飯下言長

相憶實無負吏民何當萬里客歸及三年新

次公左傳咸十年曰不食

新矣杜預注言公不得食新麥

過高郵寄孫君孚

過淮風氣清一洗塵埃容水木漸幽茂菰蒲雜游龍

次公

詩隱有游龍注云游龍紅草也可憐夜合花厚本草云合歡即夜

合也人家多值於庭除間葉青枝散紅茸美人游不歸

一笑當誰供故園在何處已偃手種松我行忽失路次公

自傷其行止贈歸夢千山重聞君有負郭二頃收橫從

能史記蘇秦曰使我有洛陽負郭田二頃吾豈卷野卑

秋穫殷牀聞夜春厚杜詩梵放時出樂哉何所憂社酒

粥面釀官游豈不好毋令到千鍾

六月七日泊金陵阻風得鍾山泉公書寄詩為謝

今日江頭天色惡，礮車雲起風欲作。

厚國史補暴風獨之後有礮車雲

望鍾山喚寶公林間白塔如孤鶴，寶公骨冷喚不聞。却

有老泉來喚人，電眸虎齒霹靂舌。

次公王戎眼爛爛如品下電集仙錄載王

母虎齒善嘯韓退之譴瘡鬼云舌作霹靂飛

為予吹散千峰雪，南行萬里亦

何事一酌曹溪知水味。

次公曹溪六祖道場在韶州南華寺

他年若畫蔣

山圖

次公蔣山即鍾山也

為作泉公喚居士

慈湖峽阻風五首

捩索桅竿立嘯空

次公桅竿兩邊索謂之篙師酣寢浪捩索此江湖間常語也

花中故應管蒹知心腹

厚左傳云雖有絲麻無弃管蒹

弱纜能爭萬里

風

此生歸路愈茫然無數青山水拍天

居實退之詩海氣昏昏水拍天猶

有小船來賣餅喜聞墟落在山前

我行都是退之詩真有人家水半扉

續退之宿曾江口詩云暮宿投民村

高處水

千頃桑麻在船底空餘石髮挂魚衣

厚爾雅釋草篇澤石

衣注水苔也一名

石髮江東食之

日輪亭午汗珠融

厚太平御覽曰在午曰亭午

誰識南訛長養功

續

平秋南說注說化也

暴雨過雲聊一快未妨明月却當空

厚梅聖俞詩須

更斷滅不復見唯有明月常當空

臥看落月橫千丈起喚清風得半帆

次公喚清風是江湖間舟子之常事

彼中舟子善相風舟行則喚風以飽帆也

且並水村歌側過

厚杜詩已童人蕩漿歌側過

間何處不巉巖

八月七月初入贛過惶恐灘

七千里外二毛人

厚潘安仁秋興賦余春秋二十有二始見二毛

十八灘頭一

葉身山憶喜懽勞遠夢

蜀道有錯喜歡舖在大散關上

地名惶恐泣孤

臣長風送客添帆腹積雨浮舟減石鱗

次公帆以其受風故云腹水在

石上流其波如魚鱗故曰石鱗

便合與官充水手此生何止略知津

過大庾嶺

一念夫垢汙身心洞清淨浩然天地間惟我獨也正

莊續

子受命于天惟舜獨也正

今日嶺上行身世永相忘

居實白樂天詩可憐身與世從

此兩仙人拊我頂結髮受長生

次公此二聯乃李白流夜郎贈韋太守詩全語

先生用此蓋有所感也

宿建封寺曉登盡善亭望韶石三首

厚郡國志韶州有韶石者

舜登此奏
詒樂焉

雙闕浮光照短亭

次公地載詒石云
兩相峙如闕也

至今猿鳥獻青瑩

趙若拙劉夢得九華山歌云軒皇封禪登雲亭大禹
會稽臨東溟乘標不來廣樂絕獨與猿鳥愁青瑩君

王自此西巡狩

續尚書舜典八月西巡狩至于西岳次
公西巡狩之意以地理考之詒州在南

之東而岳州洞庭
在詒州之西也

再使魚龍舞洞庭

次公莊子言黃帝
張咸池之樂於洞

庭之野而魚龍舞焉崔肅之按山海經云洞庭地穴
在長沙已陵湖水廣圓五百里日月若出沒其中

蜀人文賦楚人辭堯在崇山舜九疑

厚司馬相如大人
賦歷唐堯於崇山

子過虞舜於九疑注云崇山狄山也又海外經云秋
山帝堯葬於其陽九疑山在零陵營道縣舜所葬也聖

主若非真得道南來萬里亦何為

次公崇山九
疑皆在南方

嶺海東南月窟西

厚楊雄長楊賦西
厥月窟東震日域

功成天已錫玄圭

續書禹錫玄
圭告厥成功

此方定是神仙宅

厚孫綽天台山賦云玄
聖之所游化靈仙之所

窟禹亦東來隱會稽

援史記禹巡狩
至于會稽而崩

舟行至清遠縣見顧秀才極談惠州風物之美

到處聚觀香案吏

厚唐史若仗在紫宸內閣則起居舍
人夫香案分立殿下次公元微之詩

云我是玉此邦宜著玉堂仙

次公翰林院公廳謂之玉
堂李肇翰林志云時居翰

苑豈止於登瀛州哉

江雲漠漠桂花濕梅雨脩脩荔子

然

厚周處風土記夏至之內名為黃梅雨

聞道黃柑常抵鵲

續鹽鐵論云崑山之旁以

五抵鵲

不容朱橘更論錢

次公杜詩朱橘不論錢

恰從神武來弘景

續陶弘景脫朝服挂神武門上書辭祿

便向羅浮覓稚川

續晉書葛洪字稚川聞交趾出

丹砂求為勾漏令子姪俱至刺史鄧嶽留不聽去洪乃止羅浮山

發廣州

朝市日已遠此身良自如三杯軟飽後

浙人謂飲酒為軟飽一枕

黑甜餘

俗謂睡為黑甜

蒲澗疎鐘外黃灣落木初

厚退之南海神廟碑云在

廣州治之東南道八十里扶胥之口黃木之灣天涯未覺遠處處各樵漁

十月二日初到惠州

十朋按年譜實結聖元年十月三日也

彷彿曾遊豈夢中欣然雞犬識新豐

續西京雜記高祖既作新豐并移舊

社衛巷棟宇物色惟舊男女老幼相攜路首各知其室故大羊雞鴨於通衢亦競識其家吏民驚怪

坐何事父老相携迎此翁蘇武豈知還漢北管寧自欲

老遼東

援三國志管寧北海朱虛人方天下大亂寧聞公孫令行於海外遂與邨原王烈等避亂于遼

東遂不復徙

嶺南萬戶皆春色

嶺南萬戶酒

會有幽人客寓公

次公

禮記諸侯不臣寓公蓋言公爵而寄寓者也

吾謫海南子由雷州被命即行了不相知至梧乃

聞其尚在藤也旦夕當追及作詩示之

吳憲按年譜紹興四

年丁丑先生年六十二在惠州五月再貢瓊州別駕昌化軍安置即儋州也是歲子由亦貶雷

州五月相遇於藤同行至雷六月相別渡海七月十三日至貶所

九疑聯綿屬衡湘

厚李太白遠別離云九疑聯綿皆相似薛士昭九疑山圖記道州寧遠縣

南六十里有九疑山山有九峰一曰蕭韶二曰女英三曰石城四曰娥皇五曰朱明六曰桂林七曰華蓋八曰巴林九曰石樓周回百餘里其形相似見之疑之故曰九疑蒼梧獨在天一方孤城

吹角煙樹裏落月未落江蒼茫幽人撫枕坐歎息

厚古樂府

白紵歌愁來夜遲猶數息撫枕思君終反側

我行忽至舜所藏

次公蒼梧郡今梧州也前

志云舜葬於此
記曰葬者藏也

江邊父老能說子白鬚紅頰如君長莫

嫌瓊雷隔雲海聖恩尚許遙相望

厚文選古詩兩宮遙
相望雙關百餘尺

平生學道真實意豈與窮達俱存亡天其以我為箕子

續今之高麗古
箕子之國也

要使此意留要荒

厚蠻夷要服
戎狄荒服

他年誰

作輿地志

厚唐藝文志顧野王
有輿地志三十卷

海南萬里真吾鄉

行瓊儋間肩輿坐睡夢中得句云千山動鱗甲萬

谷酣笙鐘覺而遇清風急雨戲作此數句

四州環一島

次公四州言瓊崖儋萬也賈捐之傳
云朱崖儋耳郡皆在南方海中洲居

百洞

蟠其中我行西北隅如渡月半弓登高望中原但見積

水空此生當安歸

續晉書謝安嘗與孫綽等泛海風起浪湧諸人皆懼安吟笑自若風轉急

安徐曰如此將安歸耶

四顧真途窮

援晉書阮籍率意獨駕不由遷路車跡所窮輒動哭而返

眇觀大瀛海

援史記孟軻傳郭衍言中國名曰赤縣神州乃有大瀛海環其外

坐詠談

天翁

援史記齊人頌曰談天衍

區區魏中梁

援莊子雜篇則陽通達之中有魏於魏中有梁

於梁中有王

一米誰雌雄

次公莊子北海若之辭云計中國之在海內不似稊米之在太倉乎

幽懷忽破散水嘯來天風千山動鱗甲萬谷酣笙鐘安

知非羣仙鈞天宴未終

援史記趙簡子寤語大夫曰我之帝所甚樂與百神遊於鈞天

廣樂九奏萬舞
不類三代之樂

喜我歸有期舉酒屬青童

次公青童神仙青童君也

急雨豈無意催詩走羣龍

次公杜詩片雲頭上黑應是雨催詩

夢雲忽變

色笑電亦改容

次公神異傳玉女投壺天為之笑則電故謂之笑電

應怪東坡老

顏衰語徒工久矣此妙聲不聞蓬萊宮

次前韻與子由

我少即多難遭回一生中百年不易滿

援李白短歌行百年苦易滿

寸寸彎彊弓老矣復何言榮辱今兩空泥丸尚一路

古語

云十方薄伽梵一路涅槃門援此本出楞嚴經之語又隋書經籍志佛老二月十五日入涅槃涅槃一曰泥丸

所向餘皆窮似聞崆峒西仇池迎此翁

次公崆峒虔州山也其西乃歸

蜀之路仇池在同谷縣是洞天之地先生嘗夢將之有意居焉正在崆峒之西胡為適南海復

駕垂天雄

次公莊子大鵬翼垂天之雲李太白鵬賦云雄無所爭

下視九萬里浩

浩皆積風

次公莊子言鵬搏風九萬里而上

回望古合州屬此琉璃鐘

援李賀將進酒琉璃鐘琥珀濃

別離何足道我生豈有終渡海十年歸

方鏡照兩童

次公童即腫也項羽贊云舜重童子項羽又重童子丁惠安西京雜記漢高祖入咸

陽後方鏡廣四尺許表裏有明人直來照之影還鄉亦則倒見以手掩心即見五臟有病則知所在還鄉亦

何有暫假壺公龍

援後漢費長房辭壺公歸公與一竹杖曰騎此任所之則自至矣長房乘

杖頃史而歸以杖投葛陂中即化為龍矣蛾眉向我笑錦水為君容援水經
織錦則濯之江流而錦至鮮明濯云錦江
以他江則錦色弱矣遂命為錦里天人巧相勝援史記
曰人衆者勝天申包胥
天定亦能勝人不獨數子工指點昔游處蒿萊生故宮

澄邁驛通潮閣二首

倦客愁聞歸路遙眼明飛閣俯長橋貪看白鷺橫秋浦

不覺青林沒晚潮

十朋冷齋夜話云余游儋耳登望海亭柱間有擘窠大字曰貪看白鳥橫

秋浦不覺青林沒暮潮

餘生欲老海南村帝遣巫陽招我魂

續宋玉為屈原作招魂詞其中曰帝

告巫陽曰有人在下我欲輔之鬼鬼離散汝筮予之葉
思文王逸楚辭章句曰帝謂天帝也女曰巫陽按山海
經開明東巫彭巫
陽巫凡皆神醫也 杳杳天低鵲沒處青山一髮是中原

九月二十日夜渡海

參橫斗轉欲三更

居實曹子建善哉行月沒參橫北斗闌干

苦雨終風也解

晴

次公左傳昭四年申豐琿藏米曰秋無苦雨詩有終風篇

雲散月明誰點綴

續晉書會

稽王道子夜月色無玷數以為佳謝重車爾曰意謂不如微雲點綴道子曰卿居心不淨乃欲滓穢太清邪

天容海色本澄清

次公楞嚴經云譬如澄清百千大海

空餘魯叟乘桴意

粗識軒轅奏樂聲

續黃帝張樂於洞庭野

九死南荒吾不恨

次公楚詞

離騷經亦余心之所善
兮雖九死其猶未悔

茲游奇絕冠平生

自雷適廬宿於興廬村淨行院

荒涼海南北佛舍如雞栖

次公借用朱伯厚之車如雞栖者也

忽此榕林

中

居實嶺表異錄榕樹葉如冬青秋不凋

跨空飛拱枿當門冽碧井洗我

兩足泥高堂磨新埽洞戶分角圭

次公退之詩磨淬出角圭

倒牀便

甘寢鼻息如虹霓僮僕不肯去我為半日稽晨登一葉

舟醉兀十里溪醒來知何處歸路老更迷

藤州江上夜起對月贈邵道士

十朋按先生送邵道人彥肅還都嶠

詩即
此人

江月照我心江水洗我肝端如徑寸珠墮此白玉盤

李

白詩小時不識
月呼作白玉盤

我心本如此月滿江不湍起舞者誰歟

莫作三人看

援李白詩舉杯邀
明月對影成三人

嶠南瘴癘地有此江月

寒乃知天壤間何人不清安牀頭有白酒盞若白露溥

次公詩零
露溥溥

獨醉還獨醒夜氣清漫漫

次公史記鄒陽傳
應劭注載宵戚歌

曰長夜漫
漫何時旦

仍呼邵道士取琴月下彈相將乘一葉夜下

蒼梧灘

將至廣州用過韻寄邁迨二子

皇天遣出家臨老乃學道北歸為兒子破戒堪一笑披

雲見天眼

次公晉書衛瓘言樂廣曰瑩然若披雲霧而睹青天

回首失海濤蠻唱

與黎歌餘音猶杳杳大兒牧衆穉四歲守孤嶠次子病

學醫三折乃粗曉

續左傳齊高彊曰三折肱知為良醫

小兒耕且養

援前漢藝

文志古之學者耕且養三年而通一藝

得暇為書繞我亦困詩酒去道愈

茫渺紛紛何時定所至皆可老莫學柳儀曹

次公職林魏有儀曹

郎唐改為禮柳子厚唐貞元中以禮部員外郎貶永州司馬徙柳州刺史詩書教蠻獠

次公退之

為子厚墓誌云衡湘以南為進士者皆以子厚為師其
經承子厚口講指畫為文詞者悉有法度又為碑云柳
侯為州不鄙夷其民勤以禮法云亦莫事登陟

次公子厚在永州有西山而下八記其在柳州

又有記柳州山水近治可游者

溪山有何好安居與我游閉戶淨灑掃

予昔過嶺而南題詩龍泉鐘上今復過而北次前

韻

即前過大庾嶺詩

秋風卷黃葉

次公月令季冬之月草木黃落漢武帝秋風解云草木黃落兮鴈南飛

朝雨

洗綠淨

次公退之詩瞰臨助空澗綠淨不可唾

人貪歸路好節近中原正

下嶺獨徐行艱嶮未敢忘遙知叔孫子已致魯諸生

續前

漢叔孫通為博士說上曰臣願徵魯諸生與臣弟子共
起朝儀於是招魯諸生三十餘人其所不能致者二人
次公此言建中靖國間新
天子即位必定新禮儀

過嶺二首

暫著南冠不到頭

續楚鍾儀為囚於晉他日晉侯見之曰南冠而縶者君子也與之琴棊南

音遂釋之使歸厚柳子厚六字詩却隨北鴈與歸休援

云一生判却歸休為著南冠到頭平生不作兔三窟續晉書王衍為宰輔以弟

令季冬之月鴈北向留此足以為三窟識者鄙之次公戰國策馮諼謂孟嘗

君曰狡兔有三窟莫得免死耳今古何殊貉一丘援前漢楊惲曰秦時

金
令親任大臣即至今耳
古與今如一丘之貉
當日無人送臨賀
次公唐書楊

友親無敢送者獨徐晦至藍田慰餞宰相權德輿稱之
於朝李夷簡遠表為監察御史曰君不負楊臨賀肯負

乎國至今有廟祀潮州
次公韓退之謫潮州潮人為
之立廟先生嘗為作記也
劍關

西望七千里采興真為玉局游
汪養源按天師二十四
化記玉局在益州城南

門西回百步漢桓帝永壽元年正月七日天師與老君
自鶴鳴山來息此化時地上忽湧出玉局玉林方廣一

丈老君升座重述道要却
是升天玉局陷入地中

七年来往我何堪
胡邦衡按年譜公以紹聖元年自定
州貶惠州凡四年再貶儋耳明年改

元元符至三年乃
量移惠州凡七年
又試曹溪一勺甘夢裏似曾遷海外

醉中不覺到江南

次公江南則虔州也

波生濯足鳴空澗霧繞征

衣滴翠嵐誰遣山雞忽驚起半崑花雨落毵毵

初發嘉州

存嘉祐己亥冬先生與子由侍老泉舟行適楚

初發鼓闌闌西風獵獵畫旂故鄉飄已遠往意浩無邊錦

水細不見蠻江清更鮮奔騰過佛脚曠蕩造平川

林子仁錦

水岷江也蠻江陽山與青衣江也三江合流于嘉州城東南過九頂山凌雲寺大像閣而下

野市有

禪客釣臺尋暮煙相期定先到久立水潺潺

期鄉僧宗一會別釣

魚臺

下

過宜賓見夷中亂山

居實嘉祐四年作

江寒晴不知遠見山上日朦朧含高峰晃蕩射峭壁橫
雲忽飄散翠樹紛歷歷行人挹孤光飛鳥投遠碧蠻荒
誰復愛穠秀安可適豈無避世士高隱鍊精龜誰能從
之游路有豺虎跡

夜泊牛口

日落江霧生繫舟宿牛口民居偶相聚三四依古柳負
薪出深谷見客喜且售煮蔬為夜飧安識肉與酒朔風

吹茆屋破壁見星斗兒女自咿嚶亦足樂且久人生本
無事苦為世味誘富貴耀吾前貧賤獨難守誰知深山
子甘與麋鹿友置身落蠻荒生意不自陋今予獨何者
汲汲強奔走

牛口見月

居實時嘉祐元年始
舉進士至京師作

掩窓寂已睡月脚垂孤光披衣起周覽飛露灑我裳山
川同一色浩若涉大荒幽懷耿不寐四顧獨彷徨忽憶
丙申年

子仁時先生
舉進士在京

京邑大雨霧蔡河中夜決橫漫國

金史卷一百一十五
卷一
南方車馬無復見紛紛操棧郎新秋忽已晴九陌尚汪
洋龍津觀夜市燈火亦煌煌新月皎如晝疎星弄寒芒
不知京國喧謂是江湖鄉今來牛口渚見月重淒涼却
思舊游處滿陌沙塵黃

戎州

亂山圍古郡市易帶羣蠻瘦嶺春耕少孤城夜漏閒往
時邊有警征馬去無還自頃方從化年來亦款關頗能
貪漢布但未脫金環何足爭強弱吾民盡玉顏

泊南牛口期任遵聖長官到晚不及見復來

江上有微逕深榛煙雨埋崎嶇欲取別不見又重來下
馬未及語顧已慰長懷江湖涉浩渺安得與之偕

入峽

自昔懷清賞今茲得縱探長江連楚蜀萬派瀉東南合
水來如電黔波綠似藍餘流細不數遠勢競相參入峽
初無路連山忽似龕縈紆收浩渺臆縮作淵潭風過如
呼吸雲生似吐含墜崖鳴窸窣垂蔓綠穆穆冷翠多崖

竹孤生有石楠飛泉飄亂雪怪石走驚驂絕澗知深淺
樵僮忽雨三人煙偶逢郭沙岸可乘籃野戍荒州縣邦
君古子男放衙鳴晚鼓留客薦霜柑聞道黃精草叢生
綠玉簾盡應充食飲不見有彭聃氣侯冬猶煖星河夜
半涵遺民悲昶行

孟昶從
此入覲

舊俗接魚蠶

續蠶叢魚鳧
先為蜀主

板

屋漫無瓦巖居窄似菴伐薪嘗冒險得米不盈甌歎息
生何陋劬勞不自慙葉舟輕遠泝大浪固嘗諳矍鑠空
相視嘔啞莫與談蠻荒安可駐幽邃信難姚獨愛孤棲

鵲高超百尺嵐橫飛應自得遠颺似無貪墜翮游霄漢
無心顧雀鶴塵勞世方病局束我何堪盡解林泉好多
為富貴酣試看飛鳥落高適此心甘

出峽

入峽喜巉巖出峽愛平曠吾心淡無累過境即安暢東
西徑千里勝處頗屢訪幽尋遠無厭高絕每先上前詩
尚遺略不錄久恐忘憶從巫廟回中路寒泉漲汲歸真
可愛翠碧光滿盎忽驚巫峽尾巖腹有穿壙仰見天蒼

蒼石室開南嚮宣尼古廟宇叢木作幃帳鐵楯橫半空
俯瞰不計丈古人誰架構下有不測浪石竇見天圀瓦
棺悲古葬新灘阻風雪村落去攜杖亦到龍馬溪茆屋
沾村釀玉虛悔不至實為舟人誑聞道石最奇寤寐見
怪狀峽山富奇偉得一知幾喪苦恨不知名歷歷但想
像今朝脫重險楚水渺平蕩魚多客庖足風順行意王
追思偶成篇聊助舟人唱

荊州十首

子仁庚子正月先生與子
由侍老來自荊州游大梁

游人出三峽楚地盡平川北客隨南賈吳檣問蜀船江
侵平野斷風卷白沙旋欲問興亡意重城自古堅

南方舊戰國慘淡意猶存慷慨因劉表淒涼為屈原廢
城猶帶井古姓聚成村亦解觀形勝昇平不敢論

楚地濶無邊蒼茫萬頃連耕牛未嘗汗投種去如捐農
事誰當勸民愚亦可憐平生事游惰那得怨凶年

朱檻城東角高王此望沙江山非一國烽火畏三巴戰
骨淪秋草危樓倚斷霞百年豪傑盡擾擾見魚蝦

沙頭烟漠漠來往厭喧卑野市分聲聞官帆過渡遲遊人多問卜僮叟盡攜龜日暮江天靜無人唱楚詞

太守王夫子山東老俊髦壯年閩猛烈白首更雄豪食

鴈君應厭驅車我正勞中書有安石慎勿賦離騷

子仁指時

相有如謝安則王守不當如屈原放逐而作離騷也

殘臘多風雪荆人重歲時客心何草草里巷自嬉嬉爆

竹驚鄰鬼驅儺聚小兒

子仁爆竹見荆楚歲時記驅儺見月令皆殘歲時故人

應念我相望各天涯

江水深成窟潛魚大似犀赤鱗如琥珀老枕勝玻璃上
客舉雕俎佳人搖翠篴登庖更作器何以免屠割
北鴈來南國依依似旅人縱橫遭折翼感惻為沾巾平
日誰能挹高飛不可馴故人持贈我三嗅若為珍

柳門京國道驅馬及春陽野火燒枯草東風動綠芒北
行連許鄧南去極衡湘楚境橫天下懷王信弱王

高子
勉見

竹枝
歌注

涖陽早發

富貴本無定世人自榮枯
囂囂好名心嗟我豈獨無
不能使退縮但使進少徐
我行念西國已分田園蕪
南來竟何事碌碌隨商車
自進苟無補乃是懶且愚
人生重意氣出處夫豈徒
永懷江陽叟種藕春滿湖

子仁江陽
指眉州也

白塔鋪歌馬

甘山廬阜鬱相望林隙熹微漏日光
吳國晚蠶初斷葉占城早稻欲移秧
迢迢澗水隨人急冉冉巖花撲馬香
晚眼儘窮千里遠白雲深處是吾鄉

壽陽岸下絕句

街東街西翠帷成
池南池北綠錢生
幽人獨來帶殘雨
聞得黃鸝第一聲

過范縣訪德孫

漸覺東風料峭寒
青蒿黃韭試春盤
遙想慶州千嶂裏
暮雲衰草雪漫漫

初貶英州贈馬夢得

萬古仇池穴
歸心負雪堂
殷勤竹裏夢
猶自數山王

夜雨宿淨行院

芒鞋不踏利名場一葉虛舟寄渺茫
林下對牀聽夜雨靜無燈火照淒涼

過海得子由書

經過廢采久有弟忽相求戶外三竿日
江關一葉秋蕭疎悲白髮漫浪散窮愁
世事江聲外吾生幸且休

金山夢中作

江東賈客木棉裘

吳明可遜齋閒覽云閩嶺以南多會木棉土人競植之採其花為布

散金山月滿樓夜半潮來風又烈卧吹簫筦到揚州

子仁

唐漢中王瑞素知音常過永興里聞太常工吹笛他日識之謂曰何故卧吹笛

十二月二日將至渦口五里所遇風留宿

長淮久無風故意弄清快今朝雪浪滿始覺平野隘兩

山控吾前吞吐久不噉

師尹噉楚快切一舉盡嚙曲禮曰無噉炙

孤舟繫桑

本

子仁成三年齊高固入晉師樂石以授人禽之而乘其車繫桑本馬

終夜舞澎湃舟人

更傳呼弱纜恃管蒯

孫俚左傳成公九年雖有絲麻無弃管蒯

平生傲憂患

久已恬百怪鬼神欺吾窮戲我留一噫

次公莊子云大塊噫氣其名為

風瓶中尚有酒信命誰能戒

發洪澤中塗遇大風復還

風浪忽如此吾行欲安歸

續謝安與孫綽汎海風起浪湧諸人並懼安吟嘯自若曰

如此將何歸即舟人承言却迴衆服其雅量

挂帆却西邁此計未為非洪澤

三十里安流去如飛

子仁李白詩已水急如箭已船去如飛

居民見我還

勞問亦依依携酒就船賣此意厚莫違醒來夜已半岸

水聲向微明日淮陰市白魚能許肥

次公白魚惟淮楚有之杜甫詩白魚

如切玉又曰漢友得錢留白魚

我行無南北適意乃所祈何勞弄澎湃

終夜搖窓扉
妻孥莫憂色
更典篋中衣

十月六日記所見

風高月暗水雲黃
淮陰夜發朝山陽
山陽曉霧如細雨
炯炯初日寒無光
雲收霧捲已停午
有風北來寒欲僵
忽驚飛電穿戶牖
迅駛不復容遮防
市人顛沛百賈亂
疾雷一聲如頽墻
使君來呼晚置酒
坐定已復日照廊
恍疑所見皆夢寐
百種變怪旋消亡
共言蛟龍厭舊穴
魚鼈隨徙空陂塘
愚儒無知守章句
論說黑白推何祥

續前漢五行志言金失性則有白
青白祥水失性則有黑青黑祥
惟有主人言可用天
寒欲雪飲此觴

大風留金山兩日

塔上一鈴獨自語

援石勒死之年天靜無風而塔上一鈴獨鳴佛圖澄曰國有大喪不出今

年矣既而石勒果死

明日顛風當斷渡

續杜詩晚來急雨春風顛朝來白浪打

蒼崖倒射軒窓作飛雨龍驤萬斛不敢過

次公龍驤大舟也漁

艇一葉從掀舞細思城市有底忙却笑蛟龍為誰怒無

事久留僮僕恠此風聊得妻孥許滿山道人獨何事趙

堯

卿參寥號滿山道人葉飛卿按同安志潛山方
三百里又陶隱居云潛山在潛縣潛與潛同
半夜不

眠聽粥鼓

出潁口初見淮山是日至壽州

我行日夜向江海楓葉蘆花秋興長平淮忽迷天遠近

青山久與船低昂壽州已見白石塔短棹未轉黃茆岡

波平風軟望不到故人久立煙蒼茫

師尹杜子美詩獨立蒼茫自詠詩

湯村開運鹽河中督役

李堯祖按圖經仁和縣湯村鎮市在安仁東鄉

去縣四十一里而都鹽倉在天宗門裏徐持晦按國史先生本傳云開西湖疏茆山鹽橋河修

治堰閘與民興利除害講究
甚悉郡人德之為立祠堂云

居官不任事蕭散羨長卿胡不歸去來滯留愧淵明

公次

相如倦游不慕官爵求為文園令稱疾閒居後陶淵明賦歸去來解印去彭澤太史公滯留周南

鹽事

星火急誰能卹農耕

子仁諷開此河當又妨農事也

薨薨曉鼓動萬

指羅溝坑天雨助官政泫然淋衣纓人如鴨與猪投泥

相濺驚下馬荒堤上四顧但湖泓線路不容足又與牛

羊爭歸田雖賤辱豈失泥中行寄語故山友慎毋厭藜

羹

厚莊子孔子於陳蔡之間七日不大食藜羹不糝

新灘阻風

北風吹寒江米自兩山口初聞如搖扇漸覺平沙走飛
雲滿巖谷舞雪穿窓牖灘下三日留識盡山前叟孤舟

倦鷗軋短纜困牽掣嘗聞不終日今此獨何久

子仁老子飄風

不崇朝驟雨不終日

只應留遠人此意固亦厚吾今幸無事閑戶

為飲酒

漢水

捨棹忽逾月沙塵困遠行襄陽逢漢水偶似蜀江清蜀

江固浩蕩中有蛟與鯨漢水亦云廣欲涉安敢輕文王
化南國游女儼如瑯洲中浣紗子環珮鏘鏘鳴古風隨
世變寒水空冷冷過之不敢慢佇立整冠纓

初到黃州

堯卿先生以元豐二年自湖州守得罪為黃州團練副使明年二月至黃州元

豐三年詳見年譜中

自笑平生為口忙老來事業轉荒唐

次公李台擬言韓昭曰韓八座事業

如折鐵線無一條長者

長江遶郭知魚美好竹連山覺筍香逐客

不妨員外置

續唐左遷謫降官授州刺史司馬者皆員外置次公諱賓錄載趙謙先荅戶部員外

郎趙涉詩曰惟嫌員外置不應列星文

詩人例作水曹郎

次公王禹偁作孟賓于詩集序

云古之詩人多求水部員外郎充黃州團練副使本州

出詔獄責受檢校水部員外郎充黃州團練副使本州

安只慙無補絲毫事尚費官家壓酒囊

檢校官例折支多得退酒袋

柏家渡

柏家渡西日欲落青山上下猿鳥樂欲因新月望吳雲
遙看北斗掛南嶽一夢暗暗四十秋古人不死終未休
草舍蕭條誰與語香風欲過白蘋洲

吳江岸

曉色薰秋色蟬聲雜鳥聲壯懷銷鑠盡回首尚心驚

黃河

活活何人見混茫崑崙氣脉本來黃濁流若解汙清濟
驚浪應須動太行帝假一源神禹跡世流三患梗堯鄉
靈槎果有仙家事試問青天路短長

過泗上喜見張嘉父二首

眉間水玉照淮明筆下波瀾老欲平直得全生如許妙
不知形謀已多名

空翠娛人意自還明窓一榻共秋閒會知名利不到處
定把清觴屬此山

儋耳

霹靂收威暮雨開獨憑欄檻倚崔嵬垂天雌霓雲端下
快意雄風海上来野老已歌豐歲語除書欲放逐臣回
殘年飽飯東坡老一壑能專萬事灰

再過泗上二首

眼明初見淮南樹十客相逢九吳語旅程已付夜帆風

客睡不妨背船雨黃柑紫蟹見江海紅稻白魚飽兒女
慇懃買酒謝船師千里勞君勤轉櫓

繫舟淮北雨折軸繫舟淮南風斷橋客行有期日月疾
歲事欲晚霜雪驕山根浪頭作雷吼縮手敢試舟師篙
不用燃犀照幽怪要須拔劍斬長蛟

過土山寨

南風日日縱篙撐時喜北風將我行湯餅一杯銀線亂
菱蒿數飭玉簪橫

過嶺寄子由二首

投章獻策謾多談，能雪冤忠死亦甘。
一片丹心天日下，數行清淚嶺雲南。
光榮歸珮呈佳瑞，瘴癘幽居弄曉嵐。
從此西風庾梅謝，却迎誰與馬毵毵。

山林瘴霧老難堪，歸去中原茶亦甘。
有命誰憐終反北，無心却笑亦巢南。
蠻音慣習疑僮語，脾病縈纏帶嶺嵐。
賴有祖師清淨水，塵埃一洗落毵毵。

侯灘

江邊皎皎過侯灘更上山腰看打盤百歲老兒親擊鼓
城中憂患不相干

東坡詩集註卷一

欽定四庫全書

東坡詩集註卷二

宋 王十朋 撰

游覽

游東西巖

公自注即謝安東山也程天祐按臨安縣圖記東永安巖西永安巖在縣北二

十里即謝安東山也孫彥忠韻語陽秋云安本傳謂安登台輔於土山游集今土山在建康建

康事迹云安石於此擬會稽之東山亦號東山

謝公含雅量

李厚謝安常與孫綽等汎海風起海湧諸人並懼安吟嘯自若衆咸服其雅量世

運屬艱難况復情所鍾

程續晉王衍曰太上忘情最下不及情然則情之所鍾正在我

輩感槩萃中年正賴絲與竹陶寫有餘歡常恐兒輩覺

坐令高趣闌

厚王羲之傳謝安嘗謂羲之曰中年以來傷於哀樂與親友別輒作數日惡羲之曰

年在桑榆自然至此頃正賴絲竹陶寫常恐兒輩覺損其歡樂之趣獨攜縹緲人來上東

西山

續安棲遊東山放情丘壑然性好音樂每游賞必以妓女從

放懷事物外徙倚

弄雲泉一旦功業成管蔡復流言慷慨桓野王哀歌和

清彈挽鬚起流涕始知使君賢

厚桓伊傳孝武末年會稽王道子及安壻王國

寶以女功名盛極而構會之嫌隙遂成帝召伊飲燕安侍坐伊撫箏而歌怨詩曰為君既不易為臣良獨難忠

信事不顯乃有見疑患周旦佐文武金縢功不刊推心
輔王政二叔反流言聲節慷慨俯仰可觀安泣下霑衿
乃越席而就之挽其鬚曰使君於此
不凡帝甚有愧色野王伊小字也
意長日月促卧病

已辛酸慟哭西州門往駕那復還

續安雖受朝寄然東山之志始末不渝欲

須經畧粗定自江道還東雅志未就遂遇疾篤還都門
當輿入西州門自以本志不遂深自慨失因悵然謂所
親曰吾病殆不起乎安薨後其甥羊曇至西州門以策
扣扉誦曹子建詩曰生存華屋處零落歸山丘因慟哭
而去次公西州門學者多未曉在江寧府以府有東府
城城中揚州廨而揚州在府西故時人號為東府西
州而東府城之西門謂之西州門見案字記又載綠會
稽王道子第在東府城之東謝安薨以道子代領揚州
州在第西故時人號為東府西州如此則西州之名在
於安薨之後矣安本傳乃有安病輿入西州門之事則

寰宇記所引輿地志不亦謬乎先生所用事
止據本傳用謝安事而已今因與學者辨之
空餘行樂

處古木昏蒼煙

金山妙高臺

我欲乘飛車

次公帝王世紀曰奇肱民能為飛車從風
速行湯時西風吹奇肱車至於豫州湯破

其車不以示民十年東風至乃復
作車遺歸之其地去玉門四萬里
東訪赤松子
顧棄人

間事從赤松子游師古曰赤
松子仙人號黃帝時為雨師
蓬萊不可到弱水三萬里

續史記方士言海中有三神山蓬萊方大瀛洲諸仙人
及不死之藥皆在焉未至望之如雲及到三神山反居
水下臨之患且至則風輒引船而去終莫能至援神仙
傳謝自然汎海求蓬萊一道士謂曰蓬萊隔弱水三萬

里非飛仙
不可到

不如金山去清風半帆耳中有妙高臺

次公妙高

臺之名取華嚴經德雲比丘所居妙高峰為義也

雲峰自孤起仰觀初無路誰

信平如砥

次公詩周道如砥

臺中老比丘碧眼照牕几

師謂子元長老

也巉巉玉為骨凜凜霜入齒機鋒不可觸

次公傳燈錄云神機交徵

若住於

千偈如翻水

援韓詩文如翻水成次公晉書鳩摩羅什日誦千偈

何須尋

德雲

續華嚴經云善財童子問法於五十三善知識而德雲比丘乃第一也

即此比丘是

長生未暇學請學長不死

次公長生謂學仙長不死謂物不生不滅也

鬱孤臺

自注以下四首皆虔州

八境見圖畫鬱孤如舊游

次公八境者虔州有之人畫為圖先生嘗賦詩鬱孤乃其

也一山為翠浪湧水作玉虹流日麗崆峒曉

次公崆峒在虔州西之極

處風酣章貢秋

厚水經注劉登之曰贛縣東南有章水西有貢水縣治二水之間因以名焉

丹青未變葉鱗甲欲生洲嵐氣昏晨樹灘聲入市樓煙

雲侵嶺路草木半炎州故國千峰外高臺十日留他年

三宿處

厚後漢裴楷言淨屠不三宿桑下

準擬繫歸舟

廉泉

水性故自清不清或撓之君看此廉泉五色爛摩尼

厚圓

覺經云譬如清淨摩尼寶珠映於五色隨方各現

廉者謂我廉我以此名為有

廉則有貪有慧則有癡誰為柳宗元

續柳子厚謫永州所居冉溪名之曰

愚孰是吳隱之

援吳隱之酌貪泉飲而賦詩曰縱使夷齊飲終當不易心

漁父足豈

潔許由耳何溜

續高士傳堯讓天下於許由許由逃之而洗其耳於潁水

紛然立名

字此水了不知毀譽有時盡不知無盡時揭來廉泉上

捋鬚看鬢眉好在水中人到處相娛嬉

次公先生汎潁詩云豈此水薄

相與我相娛嬉

塵外亭

楚山澹無塵，巔水清可厲。散策塵外遊，麾手謝此世。山

高惜人力，十步輒一憩。却立淨雲端，俯視萬井麗。幽人

宴坐處，龍虎為斬薶。

次公此下八句皆是馬祖事

馬駒獨何疑。

厚傳燈錄

六祖謂南嶽曰：向去佛法從汝邊去。馬駒踏殺天下人。厥後江西遂傳法，廣布於天下。時號馬祖。

豈墮

山鬼計，夜垣非助我。謬敬欲其逝。

次公馬祖始居此山，山鬼為築垣自謂修

行不至為鬼所識，乃捨去。今先生詩語高馬祖一著也。

戲留一轉語。

厚傳燈錄同山直道本來

無一物，這裏合下得一轉語。千載起攘袂。

天竺寺

并引

予年十二先君自虔州歸謂予言近城山中天竺寺
有樂天親書詩云一山門作兩山門兩寺元從一寺
分東澗水流西澗水南山雲起北山雲前臺花發後
臺見上界鐘清下界聞遙想吾師行道處天香桂子
落紛紛筆勢奇逸墨跡如新今四十七年予來訪之
則詩已亡有刻石存耳感涕不已而作是詩

香山居士留遺跡

次公白樂天以刑部尚書致仕與香山僧如滿結香火社自稱香山居士

天竺禪師有故家空詠連珠吟疊壁

次公宣宗吊樂天詩綴玉連珠三十

年誰教冥路作詩仙

已亡飛鳥失驚蛇

續懷素草書如飛鳥出林驚蛇入草林深野

桂寒無子雨浥山薑病有花

厚嶺表異錄山薑花莖葉即薑也根不堪食而葉間

吐花細如麥粒次公山薑木也按本草木一名山姜也

四十七年真一夢天涯流

落淚橫斜

碧落洞

自注在英州下十五里

槎牙亂峰合晃蕩絕壁橫遙知紫翠間古來仙釋并陽

崖射朝日高處連玉京

厚靈樞金景內經曰下離塵境上界玉京注云玉京無為之天

也蓋三十二帝之都玉京之下乃崑崙北都羅酆北帝三十六洞之所居處

陰谷叩白月夢

中遊化城

厚法華經有一道師以方便力化作一城於是衆人前入化城生已度想生安穩想

果

然石門開中有銀河傾幽龕人窈窕別戶穿虛明泉流

下珠琲乳前交縵纓我行畏人知恐為仙者迎小語輒

響答空山自雷驚

任韋應物詩水性本亦靜石中固無聲如何兩相激雷轉空山驚

策

杖歸去來治具煩方平

厚神仙傳王方平降蔡經家須臾麻姑繼至再拜方平行厨其

食皆金盤玉杯多諸花果芬香異常擘脯食之云是麟脯

白水山佛跡巖

自注羅浮之東麓也在惠州東北二十里楊德志林云紹聖元年

十月十二日過遊白水佛跡院浴于湯池熱甚其源殆可熟物循山而東有縣水百仞八九折

折處輒為潭水涯有巨
人跡數十所謂佛跡也

何人守蓬萊夜半失左股

次公惠州浮山據地理志云自會稽來今浮山上猶有東

方草木易明夷云夷于左股

浮山若鵬蹲

厚陳文會公羅浮山按本記山高三千六百丈周回

三百二十七里然羅山一也浮山即蓬萊之別島也堯時洪水浮至依羅而止故有羅浮之號焉

忽展

垂天羽

續莊子鵬之背若太山其翼若垂天之雲

根株互連絡

次公翻用列子言海中五

山之根無所連著也

崖嶠爭吞吐神工自爐鞴融液相綴補至今

餘隙罅流出千斛乳方其欲合時天匠麾月斧

援西陽雜俎有

人游山失道遇一人枕屨而坐因問之其人曰君知月七寶合成乎常有八萬二千戶修之我其一也開襪有

玉斤斧
數事

帝觴分餘漉山骨醉後土

次公石鼎聯句云巧匠琢山骨峰巒

尚開閼澗谷猶呼舞海風吹未凝古佛來布武

續禮記堂下布

武當時汪罔氏

續家語孔子曰汪罔氏之君守封嶠之山者為漆姓在虞夏商為汪罔氏於周

為長翟氏今曰大人次公汪罔氏即防風氏也禹戮之其骨專車

投足不蓋拇青蓮雖

不見千古落花雨

厚樗嚴經即時天雨百寶蓮花青黃赤白間錯紛糅

雙溪匯九

折萬馬騰一鼓奔雷濺玉雪潭洞開水府潛鱗有饑蛟

掉尾取渴虎我來方醉後濯足聊戲侮回風卷飛電掠

面過彊弩山靈莫惡劇微命安足睹此山吾欲老慎勿

厭求取溪流變春酒

次公李白襄陽歌此江若變作春酒壘麴便築糟丘臺

與我

相賓主當連青竹竿下灌黃精圃

厚杜甫泉眼詩何當宅下流餘潤通藥圃

二春濕黃精
一食生毛羽

游三游洞

凍雨霏霏半成雪
游人屢冷蒼崖滑
不辭攜被巖底眠
洞口雲深夜無月

游洞之日有亭吏乞詩
既為留三絕句於洞之石
壁
明日至峽州吏又至
意若未足乃復以此授之

子仁三絕句老泉及東坡子由各一也按南行
集老泉詩云洞門蒼石流成乳山下寒溪冷欲
冰天寒二子苦求去我欲居之亦不能子由詩
云昔年有遷客攜手過嵌岩去我歲已百游人
忽復

三

一徑遶山翠縈紆去似蛇忽驚溪水急爭看洞門呀滑
磴攀秋蔓飛橋踏古槎三扉迎北吹一穴向西斜歎息
煙雲老追思歲月遐唐人昔未到古俗此為家

洞暖無風雪山深富鹿獫狫相逢衣盡草環坐髻應髻竈
突依窩黑尊罍就石窪鴻荒無傳記想像在羲媧此事

今安有遺蹤我獨嗟山翁勸留句強為寫槎牙

鬱孤臺

再過虔州和前韻

吾生如寄耳

次公魏大帝樂府云人生如寄多憂何為法苑珠林云謝安與支遁書云人生如寄

耳嶺外亦閒游贛石三百里

仔孟浩然詩贛石三百里次公唐語云城南

蜀之三峽南康之贛石皆險絕之所

寒江尺五流

次公唐語云城南

楚山

微有霰越瘴久無秋

圓仲通真子瘴氣論曰嶺南瘴猶如嶺北傷寒也從仲春訖仲夏行

青草瘴季夏訖孟冬行黃茅瘴

望斷橫雲嶠飛咤雪洲

次公橫雲嶠以言五嶺咤

雪洲以瑣崖僞萬四州也賈捐之傳云僞耳珠崖皆在南方海中洲居南越地炎瘴而無雪有雪則以為希咤

也曉鐘時出寺暮鼓各鳴樓歸路迷千嶂勞生閱百州

不隨猿鶴化

厚抱朴子周穆王南征久而不歸一軍皆化君子為猿鶴小人為蟲沙

甘作

賈胡留

續後漢馬援傳耿舒與其兄弇書曰伏波類西域賁胡到一處輒止祇有貂裘在

援史記蘇秦衣敝黑貂裘出游數歲大困而歸猶堪買釣舟

同柳子玉游鶴林招隱醉歸呈景純

次公鶴林竹

祖潛龍時常遊寺有黃鶴飛舞因名黃鶴山鶴林招隱潤州二寺也

花時臘酒照人光歸路春風灑面涼劉氏宅邊霜竹老

戴公山下野桃香

次公劉氏宅戴公山蓋潤州事劉氏言劉裕家也裕楚元王之遠孫本家

彭城晉氏東遷移居晉陵丹徒之京口里亮卿南史載
顧世居剡下又徙京口止黃鶴山宋文帝每欲見之嘗
謂黃門侍郎張敷曰吾東
遊之日當宴戴公山下
巖頭足練兼天靜
詩續謝玄暉
澄江靜

如練次公杜詩
遠水兼天靜

泉底真珠濺客忙

子仁杜詩奔
泉濺水沫

安得道

人攜笛去一聲吹裂翠崖罔

次公按國史補載李舟好
事嘗得村舍煙竹截以為

笛聖如鐵石以遺李蓂蓂吹笛天下第一月夜泛江吹
之俄有客立於岸呼船共載既至請笛而吹其聲精壯
山石可裂蓂
未嘗見也

游鶴林招隱二首

郊原雨初霽春物有餘妍古寺滿脩竹深林聞杜鵑睡

餘柳花墮目眩山櫻然

子仁沈約詩
山櫻發欲然

西窻有病客危坐

看香煙

行歌白雲嶺坐詠脩竹林風輕花自落日薄山半陰澗
草誰復識聞香香難尋時見城市人幽居惜未深

與毛令方尉游西菩提寺二首

安國按於潛縣圖
經毛君寶同尉方

君武與東坡於熙寧七年八月廿七日同遊西
菩山明智院石刻有馬西菩提寺去縣十五里

推擠不去已三年

續晉鄧侯為吳郡守稱疾去職吳魚
人歌曰鄧侯挽不留謝令推不去

鳥依然笑我頑人未放歸江北路天教看盡浙西山尚

書清節衣冠後

援毛玠典選舉以儉率人魏太祖以素屏風素憑几賜玠曰君有古人之風故

賜君以古人之服玠居顯位常布衣蔬食處士風流水

石間

任方干桐廬人幼有清才為徐鉉所器然安態山野終不登第當時號為方處士後韋莊奏賜及第

一笑相逢那易得數詩狂語不須刪

路轉山腰未足移水清石瘦便能奇白雲自占東西嶺

子輦按於潛圖經云寺前有東西兩山或有雲晦遙望如嶺焉明月誰分上下池黑黍

黃梁初熟後朱柑綠橘半甜時人生此樂須天賦莫遣

兒郎取次知

厚王羲之謂謝安曰但恐兒輩覺損其歡樂之趣

雪後到乾明寺遂宿

門外山先馬亦驚
階前屐齒我先行
風花誤入長春苑

續吳王有長春苑次公宋復古河南志晉之宮內有長春門

雲月長臨不夜城

次公解道

康齊地記曰齊有不夜城蓋古者有日夜中照於東境故萊子立此城以不夜為名未許牛羊傷

至潔且看鴉鵲弄新晴
更須攜被留僧榻
待聽摧簷瀉竹聲

圓通禪院先君舊游也
四月二十四日晚至宿焉
明日忌日也乃手寫寶積獻蓋頌物一偈以贈長

老仙公仙拊掌笑曰昨夜夢寶蓋飛下着處輒出
火豈此祥乎乃作是詩院有蜀僧宣逮事訥長老
識先君云

石耳峰頭路接天梵音堂下月臨泉此生初飲廬山水

他日徒參雪竇禪

子仁雪竇師諱仲顯字隱之遂州李氏子出家參隨州智門祚和尚不起

一念之言後居四明之雪竇賜號明覺皇祐五年七月七日不遺囑亦不說偈北首而亡袖裏寶書

猶未出夢中飛蓋已先傳何人更識嵇中散野鶴昂藏

未是仙

仔晉嵇紹入洛或謂王戎曰昨儔人中始見嵇紹昂昂如野鶴在雞羣戎曰君復未見其父爾

過萊州雪後望三山

次公按地志萊州掖縣載三山有海之南岸史記封禪書

秦始皇東遊海上行禮祠名山川及八神其四曰陰主祠三山其後武帝亦祠三山八神是已

東海如碧環西北卷登萊雲先與天色直到三山回我

行適冬仲薄雪收浮埃黃昏風絮定半夜扶桑開參差

太華頂出沒雲濤堆安期與羨門

續安期羨門神仙名漢書樂大曰臣嘗往

來海中見安期生羨門之屬

乘龍安在哉茂陵秋風客

厚漢武帝葬茂陵嘗作秋

風詞李賀金銅仙人辭漢歌茂陵劉郎秋風客夜聞馬啼曉無跡

勸爾麾一杯

次公借

武帝末年長星見帝甚惡之舉酒祝之曰長星勸爾一杯酒自古豈有萬歲天子耶帝鄉不可期

續陶淵明歸去來詞云富貴非吾願帝鄉
不可期次公莊子乘彼白雲至于帝鄉
楚些招歸來

援楚詞宋玉招菴云寬
兮來歸何為兮四方些

龜山

我生飄蕩去何求再過龜山歲五周
身行萬里半天下

僧卧一庵初白頭地隔中原勞北望
潮連滄海欲東游

元嘉舊事無人記故壘推頽今在不

次公宋文帝遣將
拒魏泰武築城此

山

登玲瓏山

幼槃按林安園經玲瓏山在縣西十三
里兩山屹起盤屈凡九折上通絕頂名

曰九折巖南行百許步有亭
下瞰百里山名曰三休亭

何年僵立兩蒼龍瘦脊盤盤尚倚空翠浪舞翻紅罷亞

厚杜牧詩罷亞百頃稻西風吹半紅罷亞稻多貌

白雲穿破碧玲瓏三休亭上

工延月

民瞻唐司空圖居中脩山王官谷有先人田遂隱不出作亭觀素室悉圖唐興節士丈人名亭

曰休休作又以見志曰休美也既休而美且故量才一宜休揣分二宜休耄而曠三宜休又少也憤長也率老也迂三者非濟時用則又宜休因自目為耐辱居士體仁難蹈集楚王誇客以章臺之臺三休乃至九折

巖前巧貯風

見題

脚力盡時山更好莫將有恨趣無窮

宿九仙山

九仙謂左元放許邁王謝之流子蒼按圖經無量院在縣西十二里九仙山東

晉葛洪許邁
煉丹之地

風流王謝古仙真一去空山五百春玉室金堂餘漢士

獲許邁與王逸少書云自山陰南至臨安多有桃花流
金堂玉室左元放之徒漢末諸得道者皆在焉

水失秦人因眠一榻香凝帳
倬韋應物詩
燕寢凝清香夢遶千巖冷

逼身半夜老僧呼客起雲峰缺處湧冰輪
致約今寺中
有冰輪閣

韓大祝送游太山

偶作郊原十日游未應迴首厭籠囚但教塵土驅馳足

終把雲山爛漫酬聞道逢春思濯錦
次公濯錦成都也
言因景物而懷鄉

爾希聲成都古今記濯錦江自州西北分派東流至州
北街過入丈富坊東流至膠坊尾又向南流於興聖觀
直東南至大慈寺便須到處覓菟裘續魯隱公曰使營
菟裘吾將老焉

恨君不上東峰頂夜看金輪出九幽

續漢官儀曰太山
東南名曰日觀難

一鳴時見日始
出長三丈許

登雲龍山

醉中走上黃茆岡滿岡亂石如羣羊

次公暗使
黃初平事

岡頭醉

倒石作牀仰看白雲天茫茫歌聲落谷秋風長路人舉

首東南望拍手大笑使君狂

與客游道場何山得鳥字

少度吳興統記正真寺在州南一十六里有山

曰道

場山

清溪到山盡飛路盤空小紅亭與白塔

商老吳興統記郡有五亭曰白

巖亭集芳亭山光亭朝發亭碧波亭又有白塔巷有白石塔在焉因兩名之在州西三里隱見喬木

杪中休得小庵孤絕寄雲表洞庭在北戶雲水天渺渺

庵僧俗緣盡淨業洗未了十年畫鵲竹益以詩自繞高

堂儼像設禪客各深窈奔泉何處來華屋過溪沼何山

隔幽谷去路青且悄長松度翠蔓絕壁掛啼鳥我友自

杭來尚歎所歷少歸途風雨作一洗紅日燎我驚萬竅
號黑霧捲蓬蓼舟人紛變色坐羨輕鷗矯我獨換酒杯
醉死勝流殍書生例強狠造物空煩擾更將掀舞勢把
燭畫風篠美人為破顏正似腰肢媚明朝便陳迹清景
墮空杳作詩記餘歡萬古一昏曉

初入廬山三首

青山若無素偃蹇不相親

次公先生詩又云青山偃蹇似高人又曰登臨不得要萬

象各

要識廬山面他年是故人

山南山面也

自昔懷清賞神游杳藹間如今不是夢真箇在廬山

芒鞋青竹杖自掛百錢游

續晉阮脩常步行以百錢挂杖頭

可恠深山

裏人人識故侯

次公漢書言邵平者故秦東陵侯種瓜於長安城東子仁先生詩話云僕初入

廬山山谷奇秀平日所未見殆應接不暇遂發意不欲作詩已而見山中僧俗皆云蘇子瞻來矣不覺作一絕

云芒鞋青竹杖云云既而哂前言之謬復作兩絕句云青山若無素云云按詩話則今第三篇為首篇矣

同正輔表兄游白水山

邵老白鶴故居圖云白水山羅浮山之西瀑布在馬

偉哉造物真豪縱

厚莊子子來病子桑往問之倚其戶與之語曰偉哉造物又將奚以汝為

攫土搏沙為此弄擘開翠峽走雲雷截破奔流作潭洞

因隨化人履巨跡

次公列子周穆王時西域之國有化人來自水岩有大足跡世謂之佛跡

今化人則借以言佛爾

得與仙兄躡飛鞚曳杖不知巖谷深穿雲

但覺衣裘重坐看驚鳥救霜葉知有老蛟蟠石甕金沙

玉礫梁可數古境寶奩寒不動念兄獨立與世疎絕境

難到惟我共永辭角上兩蠻觸

續莊子有國于蝸之左角曰蠻氏右角曰觸氏

爭地而戰

一洗胸中九雲夢

援子虛賦齊之青丘吞楚之雲夢者八九而於其胸中曾不芥

帶

浮來山高回望失

次公浮來山言羅浮山也古曰自會稽浮來

武陵路絕

無人送

次公謂桃滑也

筠籃擷翠爪甲香素纓分碧銀鉗凍歸

路霏霏暘谷暗

次公淮南子曰出于暘谷入於咸池一作湯谷或云山中有湯泉也野堂

活活神泉湧

申之物類相感志高密瑯邪之臺上有神泉人或汚之則竭解衣浴此

無垢人

次公維摩經入解之浴池定水湛然滿布以清淨華浴此無垢人身輕可試雲

間鳳

次韻正輔同游白水山

祇知楚越為天涯不知肝膽非一家此身如綫自縈繞

左旋右轉隨繅車誤拋山林入朝市平地咫尺千褒斜

厚梁州記萬古城泝漢上七里有褒谷口南口曰褒北口曰斜白樂天詩云途窮平谷險舉足則褒斜敬

從稚川隱羅浮

援葛洪字稚川
隱于羅浮山

先與靈運開永嘉

次公
永嘉

溫州也謝靈運在永嘉登山臨水佳處無
不游嘗自始寧南山伐木開徑直入臨海

首參虞舜歎

韶石

厚郡國志韶州有韶
石舜登此石奏韶樂

次謁六祖登南華

次公南華
寺在韶州

六祖曹溪
道場也

仙山一見五色羽

次公言五色雀
也廣南有之

雪樹兩摘

南枝花赤魚白蟹箸屢下

厚一作白魚赤蟹又何曾
日食萬錢猶云無下箸處黃

柑綠橘籩常加

續周禮籩人掌四籩之
實加籩之實芟芟栗脯

糖霜不待蜀客

寄

次公東蜀梓州有
糖霜而廣南亦有

荔枝莫信閩人誇

厚荔枝譜云廣
南及梓蔓之間

所出大率早熟其精好
者僅比閩中之下品

恣傾白蜜收五稜

去聲厚嶺南
錄瀧州山中

多紫石英其大小皆五稜兩頭如箭鏃者水飲之煖而無毒次公白蜜以言酒也廣南以田畝為稜杈五稜則所

種酒也細斲黃土栽三桎正輔分人參歸種韶陽來詩本用礪字惠州無書不見此

字所出故且從木奉和次公人參生在黃土朱明洞裏中高麗人作人參贊曰三桎五葉背陽向陰

得靈草次公朱明洞羅浮山洞也翩然放杖凌蒼霞豈無軒車駕熟

鹿亦有鼓吹號寒蛙援孔稚圭聞庭前鳴蛙仙人勸酒

不用勺石上自有樽罍窪厚元次山窠樽銘序道州城東有左湖湖東二十步有水

石山山顛有窠石可以為樽徑從北路朝玉闕千里莫遣毫釐差故

人日夜望我歸相迎欲到長風沙厚孝白長千行相迎不道遠直至長風沙

持晦按同安志長風沙鎮宣知乘槎天女側獨倚雲機

看織紗

續博物志天河與河通有居海島者每年見浮槎來往返不失期人異之遂貴糧乘之忽至一

處望含中多織婦俄見一丈夫牽牛渚次飲之後隨槎復返因至蜀問嚴君平君平曰某年月日有客星犯牛斗約日計之乃此世間誰似老兄弟篤愛不復相疵瑕相人到天河時也

攜行到水窮處

厚王維詩行到水窮處坐看雲起時

庶幾一見留子嗟

次公詩丘中有麻彼留子嗟注云留大夫氏子嗟字也

千年枸杞嘗夜吠

援續神仙傳朱

孺子一日忽見二花犬相趣入枸杞叢下因異之乃尋掘得二枸杞根形狀如犬次公白樂天詩不知靈藥根成狗惟得時聞夜吠聲

無數草棘工蔽遮但令凡心一洗濯神人

仙藥不我遐山中歸來萬想滅豈復回顧雙飛鴉

同秦仲二子雨中游寶山

平明已報百吏散半日來陪二子閒立鵲低昂煙雨裏

次公東方朔外傳武帝宴坐朔執戟在殿階旁屈指獨
語上從殿上見朔呼問之對曰殿後樹上有鵲立松枝
東向而鳴行人出沒樹林間

五月十日與呂仲甫周邵僧惠勤惠思清順可久

惟肅義詮同汎湖游北山

三吳雨連月湖水日夜添尋僧去無路漱漱水拍簷駕

言徂北山得與幽人共清風洗昏翳晚景分穠纖縹緲
朱樓人斜陽半疎簾臨風一揮手悵焉起遐瞻世人驚
朝市獨向溪山庶此樂得有命輕薄神所殲

病中游祖塔院

無已按杭州圓經云祖塔法雲院
開成二年唐文宗建王宋太平興

國六年改作今額
補注今虎跑寺

紫李黃瓜村路香烏紗白葛道衣涼閉門野寺松陰轉
歌枕風軒客夢長因病得閒殊不惡安心是藥更無方
道人不惜階前水借與匏樽自在嘗

夜泛西湖五絕

新月生鳧迹未安

次公杜甫初月詩影斜輪未安

纔破五六漸盤桓今

夜吐艷如半璧

次公盧仝詩是夕吐艷如長虹又云初露半箇璧漸吐滿輪

遊人得

向三更看

三更向闌月漸垂欲落未落景特奇明朝人事誰料得

看到蒼龍西沒時

次公蒼龍角亢之宿夜半而沒

蒼龍已沒牛斗橫東方芒角昇長庚漁人收筒及未曉

船過惟有菰蒲聲

時湖上禁漁皆盜釣者也

菰蒲無邊水茫茫
荷花夜開風露香
漸見燈明出遠寺
更待月黑看湖光

湖光非鬼亦非仙
風恬浪靜光滿川
須臾兩兩入寺去
就視不見空茫然

湖上夜歸

我飲不盡器

次公飲不盡器
出何諷渴賦

半酣味尤長
籃輿湖上歸

續晉王弘邀陶潛還州問其所乘答曰素有脚疾
向乘籃輿亦足自反乃令一門生二兒共輿之

春風

吹面凉行到孤山西
夜色已蒼蒼
清吟雜夢寐
得句旋

已忘尚記梨花村依依聞暗香入城定何時賓客半在

亡睡眠忽驚雙繁燈開河塘

夢良沙河塘乃杭州街名也

市人拍手

笑狀如失林麋始悟山野姿異趣難自彊人生安為樂

吾策殊未良

寒食未明至湖上太守未來兩縣令先在

子翬杭有錢塘

仁和二縣倚郭

城頭月落尚啼烏烏榜紅舷早滿湖

次公烏榜紅舷游湖之船也張載云

吳榜越船不

能無水而浮鼓吹未容迎五馬

續南齊柳元伯之子五人皆領郡號五馬次公

五馬言太守也古樂府羅敷行云五馬立踟躕杜詩人生五馬貴莫受二毛侵水雲先已颺雙

鳧

厚雙鳧謂二縣令也王喬為鄭令每朔望來朝漢明帝怪之令太史伺望之每見雙鳧從東南飛來舉網

得為驗之乃尚方所賜履舄也

映山黃帽鷗頭舫

續鄧通為黃頭郎注云着黃帽也冲之白

樂天杭州詩小航船亦畫龍舟

夾道青煙鷗尾爐

厚貴崇先尤信佛法以鷗尾香爐置膝前

次公杜陵集載陶貞白有金鷗尾香爐

老病逢春只思睡獨求僧榻寄須

吏

次韻劉景文周次元寒食同游西湖

絮飛春減不成年

次公杜詩一片花飛減却春倬丘豫見庭中花落謂友人曰飛此一片減

却青春色不赴行樂復待何時耶

老境同乘下瀨船

次公漢武帝紀有下瀨將軍而注引

伍子胥書

藍尾忽驚新火後

樂天寒食詩三杯藍尾酒一碟膠牙餠

遨頭

要及浣花前

成都太守自正月十日出游至四月十九日浣花乃止

山西老將詩

無敵

次公以言劉景文前漢贊云山西出將

洛下書生語更妍

次公以言周次元謝

安傳云能為洛下書生詠

共向北山尋二士

次公二士言清順道潛也堯卿魏僧法度法紹

游學北山經習三藏靈跡異事世皆見聞世號曰北山二聖

書橈鼉鼓聒清眠

連日與王忠玉張全翁游西湖訪北山清順道潛

二詩僧登垂雲亭飲參寥泉最後過唐州陳使君

夜飲忠玉有詩次韻答之

北山非自高千仞付我足西湖亦何有萬家生我目雲

深山在鳴風靜響應谷與君皆無心信步行看竹竹間

逢詩鳴

次公韓愈送孟東野序云東野始以其詩鳴今以言二詩僧也

眼色奪湖淥百

篇成俯仰二老相追迹

次公二老指言王忠玉張全翁也

故應千頃池

養此一雙鵲山高路已斷亭小膝屢促夜尋三尺井

次公

三尺井指言參寥泉也

渴飲半甌玉明朝開絲管寒食雜歌哭使

君坐無聊狂客來不速載酒有鵲夷

續揚雄酒箴鵲夷滑稽腹如大壺盡

日盛酒人復借沽常為國器此于屬車

扣門非啄木

次公唐人詩云開間啄木鳥疑是扣門僧

浮蛆灑金盃翠羽出華屋須臾便陳迹覺夢那可續及

君未渡江過我勤秉燭

次公晉誼有五馬浮度江又古詩何不秉燭游

一笑換

人爵百年終鬼錄

厚魏文帝書有曰觀其姓名已為鬼錄

次韻曹子方運判雪中同游西湖

詞源灑灑波頭展

俾隋文藝傳曰筆有餘力詞無竭源

清唱一聲巖谷滿

未容雪積句先高豈獨湖開心自遠

器先陶淵明詩雲心遠地自偏

山已作歌眉淺山下碧流清似眼尊前侑酒只新詩何

異書魚餐蠹簡

次韻仲殊雪中游西湖二首

夜半幽夢覺稍聞竹箠聲起續凍折絃

援賈島詩生聞西林琴凍折兩

三為鼓一再行

續漢書司馬相如飲卓氏所臨

卽曲終

天自明玉樓已崢嶸有懷二三子落筆先飛靈

民瞻雪花謂之

靈見韓詩外傳

共為竹林會身與孤鴻輕秀語出寒餓身窮詩

乃亨禪老復何為笑指孤煙生我獨念粲者誰與予目

成

援詩如此粲者何次公楚詞大司命云滿堂予美人獨與予目成

寶雲樓閣開千門

民瞻寶雲寺名

林靜初無一鳥喧閉戶莫教

風掃地捲簾疑有月臨軒水光潋灩猶浮碧山色空濛

已歛昏乞得湯休奇絕句

次公湯休以此仲殊宋僧始惠休姓湯氏有詩名于世

知鹽絮是陳言

七月一日出城舟中苦熱

涼颼呼不來流汗方被體

次公趙昞長嘯呼風亂流而濟又杜詩汗流被我體稀

星乍明滅暗水光瀾瀾香風過蓮芡驚枕裂魴鯉欠伸

宿酒餘起坐濯清泚火雲勢方壯未受月露洗

續杜詩火雲洗

月露絕壁
上朝曦

身微欲安適坐待東方啟

望海樓晚景五絕

國器杭州圓經云東樓一名望海樓在舊治中和堂北太平寨

宇記云樓高十八丈唐武德七年置

海上濤頭一線來樓前指顧雪成堆從今潮上君須上
更看銀山二十回

橫風吹雨入樓斜壯觀應須好句誇雨過潮平江海碧
雷光時掣紫金蛇

青山斷處塔層層隔岸人家喚欲應江上秋風晚來急

為傳鐘鼓到西興

彥章杭州圖經云浙江渡在候潮門外對西興

樓下誰家燒夜香玉笙哀怨弄初涼臨風有客吟秋扇

拜月無人見晚粧

沙河燈火照山紅

堯卿唐地理志沙河塘縣舊治南五里咸通二年刺史崔彥曾聞昔潮水

衝擊錢塘江岸至於奔逸入城勢莫能禦故歌鼓喧呼

開沙河以決之河有三曰外沙中沙裏沙

語笑中為問少年心在否角巾歌側鬢如蓬

自仙游回至黑水見居民桃氏山亭高絕可愛復

憩其上

山鵲曉辭谷似報游人起出門猶屢顧慘若去吾里道

途險且迂繼此復能幾溪邊有危構歸駕聊復尼愛此

山中人縹緲如仙子平生慕獨往官爵同一屣

師史記
郊祀志

武帝云嗟乎吾誠得如黃胡為此溪邊春春若有侯國

恩久未報念此慙且泚

師韓愈泚吏詩叩頭謝吏言始
慙今更羞歷官二十餘國恩並

未酬臨風浩悲咤萬世同一軌何年謝簪紱丹砂留迅晷

登常山絕頂廣麗亭

西望穆陵關

續穆陵山在沂州沂水縣管仲言齊之封境南至穆陵東望瑯邪臺

厚瑯邪山在沂州之沂水海州之朐山密州之諸城三縣界漢有瑯邪縣先是越王勾踐嘗治此始皇登山樂

之作瑯邪臺其地南望九仙山續在錢塘臨安或云在密州諸城縣北望

空飛埃相將叫虞舜厚杜詩回首叫虞舜蒼梧雲正愁遂欲歸蓬萊嗟

我二三子狂飲亦荒哉紅裙欲仙去續趙飛燕身輕長臨風如欲飛去

笛有餘哀清歌入雲霄妙舞纖腰回自從有此山續羊叔子

登峴山謂鄒湛曰自有宇宙便有此山古來賢達勝士登此遠望如我與卿者多矣然湮滅無聞使人悲傷

白石封蒼苔何嘗有此樂將去復徘徊人生如朝露白

髮日夜催棄置當何言萬劫終飛灰援曹毗志怪曰漢武鑿昆明池見灰

黑無復土舉朝不解以問東方朔朔曰可試問西域胡
至後漢明帝時外國道人入洛陽有憶方朔言者以問
之胡曰天地大劫將盡
則劫燒此劫燒之餘也

過廬山下一首

并序

予過廬山下雲物騰湧默有禱焉未午衆峰凜然故
作是詩

亂雲欲埋山勢與飄風南

續詩卷阿
飄風自南

羣嶺相應和勇往

爭驂驪可憐蒼蔚中

厚詩蒼蔚中
兮南山朝

時出紫翠嵐鴈沒失

東嶺龍騰見西龕一時供坐笑百態變立談暴兩破坎

北援賈誼鵬賦大鈞播物扶北無垠注埭塵也北山曲也甄雲卿廬山記太虛簡寂觀宋陸先生隱居也其

間一峰秀卓者曰紫霄峰過白氏草堂半山有二泉出石間名曰雙玉澗萬壽院南三里至下白石又三里至

上白石詠真洞天五老峰正在其後清飈掃渾酣廓然歸何處陋矣安足

戲亭亭紫霄峰窈窕白石庵五老數松雪雙溪落天潭

次公紫霄峰白石庵五老雙溪皆廬山事也雖云默禱應續退之謁衡岳廟詩潛心默禱祈有

應顧有移文慙厚周彦倫隱於北山後應詔出任又欲過舊隱孔德璋假山靈之辭以責之謂

之北山
移文

汎潁

我性喜臨水得潁意甚奇到官十日來

厚白樂天詩到官來十日覽鏡

生二九日河之湄吏民笑相語使君老而癡使君實不

癡流水有令姿遶郡十餘里不駛亦不遲

厚陶淵明詩不駛亦不遲

飄飄吹我衣

上流直而清下流曲而漪畫船俯明鏡笑問汝

為誰忽然生鱗甲

厚白樂天詩伊水細浪鱗甲生

亂我鬚與眉散為百

東坡頃刻復在茲

沈敦謨傳燈錄良价禪師過水觀影大悟有偈曰我今獨自往處處得逢

渠渠今正是我

此豈水薄相與我相娛嬉聲色與臭味

顛倒眩小兒等是兒戲物水中少磷緇趙陳兩歐陽同

參天人師

次公天人師言佛也趙陳言景
既履常兩歐陽叔弼季默也

觀妙各有得

共賦汎蘋詩

自金山放船至焦山

敬夫杭州圖經云焦山
普濟院在金山之東

金山樓觀何眈眈

次公眈眈屋深貌
文選有大厦眈眈

撞鏡擊鼓聞淮南

焦山何有有脩竹採薪汲水僧
兩三雲霧浪打人跡絕

時有沙戶祈春蠶我來金山更留宿
而此不到心懷慙

同游盡退決獨往賦命窮薄輕江潭
清晨無風浪自湧

中流歌嘯倚半酣老僧下山驚客至
迎笑喜作巴人談

自言久客忘鄉井只有彌勒為同龕困眠得就紙帳煖

飽食未厭山蔬甘山林飢餓亦有無田不退寧非貪展

禽雖未三見黜

次公柳下惠為士師三黜

叔夜自知七不堪

續嵇叔夜與山

巨源書有必不堪者七甚不可者二行當投劾謝簪組為我佳處留茅庵

吳人謂水中可為田者為沙焦山長老中江人也

同王勝之游蔣山

續舊名鍾山漢末廣陵人蔣子文為金陵尉討賊死于山下孫

權為立廟改名蔣山子仁勝之名益柔

到郡席不煖居民空惘然好山無十里遺恨恐他年欲

歙南朝寺

厚山中寺多是六朝行宮東晉同登北郭船

朱門收畫戟紺宇出青蓮

荆公宅以為寺

夾路蒼髯古

次公指言松檜

也先生詩又云山中只有蒼髯吏數里蕭蕭曾送迎迎人翠麓偏龍腰蟠故國

續山

春宛轉若蟠龍之狀孔明名之曰龍蟠山次公窮宇記載孔明謂吳帝曰鍾山龍蟠石城虎踞真帝王都也

鳥爪寄曾巔

厚山有鳥爪峰次公高僧傳誌公生於鷹窠手類鳥爪死葬此山上舊註非是竹

杪飛華屋松根注細泉峰多巧障日江遠欲浮天畧約

橫秋水

次公畧約橫木橋也陸龜蒙詩頭經畧約冠微亞腰挿筇簪帶蠡頻

浮屠挿暮煙

歸來踏人影雲細月娟娟

至真州再和二首

老手王摩詰窮交孟浩然論詩曾伴直

厚孟浩然為王維所知維待詔

金鑒殿與之商較風雅忽遇上幸維所浩然錯愕伏牀下維不敢隱因奏聞上欣然曰朕素聞其人因得召見

命吟詩浩然曰北闕休上書南山歸敝廬不才明主棄多病故人疎上曰朕未嘗棄人自是卿不求進因命放

還師南史南孝標言利交有五四曰窮交話舊已忘年北上難陪驥東行且

趕船離亭花映肉

續杜詩寄呈蘇渙侍御云憶子醉眼初尉永嘉去紅顏白面花映肉

鷺窺蓮棹轉三山沒風回五兩偏

次公五兩字出郭璞江賦有云規五兩之

動靜而李善注引兵書曰凡候風法以雞羽重八兩建五丈旗取羽繫其巔立軍營中許慎淮南子注曰皖侯

欽定四庫全書

卷二

風也音桓楚人謂之五兩又五臣注翰荒祠過瓜步揚

曰五兩鳥毛為之置竿之上以候風

州江都縣瓜步鎮古甃墮松巔聞道清香閣次公韋應物詩宴寢

乃往真州渡口也

凝清香新筍白玉泉莫教門掩夜坐待月流天厚謝莊月賦白露曖

空素月小院檀槽閣空庭樺燭煙公詩便堪唱為付小

流天

嬋娟

公顏如雪柏千載故依然笑我無根柳空中不待年劉師

義慶世說云顧說之與晉簡文帝同年說之早白帝問

卿何以先老對曰蒲柳之姿望秋先隕松栢之質隆冬

轉肯留歸闕旆坐待迎風船特許門傳鑰那知箭起蓮

續蓮花漏法以相逢月上後小語坐西偏子仁退之庭

水浮箭為候其東我常流落千帆側厚劉禹錫詩沈舟側畔千追思

坐西偏百尺巔躬耕懷谷口援楊子云谷口鄭子真耕水石美

平泉續唐李德裕平泉莊周四十里名花異草鉛松怪

石一花移他處石靡不畢致次公李衛公詩序云後世以平泉一

者非李氏子孫芳屋歸元亮厚陶詩養真衡茆下庶以

霓裳醉樂天援白樂天嘗侍宴觀舞霓裳曲行聞宣室

召厚前漢賈誼傳誼謫長沙文帝思誼徵之至歸近御

鑑煙次公唐人詩從事不須輕未用歌池上續樂天有

詩隨宜教李娟

厚樂天為蘇州和元稹霓裳歌云李娟張態君莫嫌亦擬隨宜且教取

孟震同遊常州僧舍三首

子仁震東平人嘗為黃州通判

年老轉覺此生浮

次公莊子其生若浮其死若休

又作三吳浪漫游

次公

唐元結自稱為浪士人呼之為漫郎

忽見東平孟君子夢中相對說黃州

無已先生君子泉銘序云孟君亨之篤學而力行克有常德信於朋友一時皆稱之曰此君子也因號之孟君

子君通守齊安其園有泉早不加損水不加益因名之曰君子泉又先生有跋云孟君名震字享之及進士第

為承議郎

湛湛清池五月寒山山無數碧巘岼穉杉戢戢三千本

厚戰戰多貌盧全月蝕詩
萬國赤子纖纖生魚頭
且作凌雲合抱看

知君此去便歸耕
笑指孤舟一葉輕
待向三茅乞靈雨
續三茅指言茅山也茅君兄弟三人皆為神仙
半篙流水送君行

儋耳山

突兀隘空虚
他山總不如
君看道傍石
盡是補天餘

觀湖二首

乘槎遠引神仙客
萬里清風上海濤
回首不知沙界小
飄衣猶覺色塵高
須彌有頂低垂日
兜率無根下戴鰲

金史四庫全書
卷二
釋梵茫然齊劫火飛雲不覺醉陶陶

朝陽照水紅光開玉濤銀浪相徘徊山分宿霧儘寬遠
雲駕高風馳送來昇霞影色歆殘火及物氣燄明纖埃
可憐極大不知已浮生野趣悠悠哉

滄州亭懷古

湘水悠悠天際來夾江古木抱山回城中人物若可數
日晏市散多蒼苔九嶷巉天古雲埋遙想帝子龍車迴
心哀目極何可望九歌寂寂令人哀

游中峰盃泉

石眼盃泉舉世無要知盃渡是凡夫可憐狡獪維摩老
戲取江湖入鉢盃

火星巖

火星巖下石凌壁閣上相忘止一僧莫問人間興廢事
門前流水几前燈

觀大水望朝陽巖作

朝陽巖前不結廬下眺江水百步餘春泉濺濺出乳竇

青莎白石半滄涂不到津頭二三日誰知江水漲天堦
遙望橫盃不敢濟巖口正有人罾魚

惠州近城數小山類蜀道春與進士許毅野步會
意處飲之且醉作詩以記適參寥專使欲歸使持
此以示西湖之上諸友庶使知余未嘗一日忘湖
山也

夕陽飛絮亂平蕪萬里春前一酒壺鐵化雙魚沉遠素
鈿分二嶺隔中區花曾識面香仍好鳥不知名聲自呼

夢想平生消未盡
滿林煙月到西湖

東坡詩集註卷二